

列
朝
詩
集

列朝詩集

丁集第四

皇甫舉人冲

八首

皇甫僉事沆

一百六十六首

周山人詩

一十首

黃舉人魯曾

二首

姜布衣玄

三首

王九江廷幹

二首

侯布政一元

四首

吳參議子孝

一十首

孫太學七政

六首

皇甫舉人冲

冲字子浚長洲人順慶太守錄之子也錄舉弘治癸丑進士以博雅稱子浚登嘉靖戊子鄉薦而三弟曰淳字子安沆字子循濂字子約皆舉進士子安先卒子循子約宦不達而子浚猶上公車贈贈二十餘年而卒庚戌

皇甫僉事澤

五十六首

皇甫同知濂

二十四首

徐山人綉

三十九首

夏子德水

四首

蔡侍郎汝楠

五十三首

施青州峻

七首

覽侯一慶

二首

孫處士艾

一首

鄧舉人韞

四首

下第有還山詩一卷壬子遊虞山有紀遊詩一卷自爲之序詞致甚美全集凡六十卷子浚博綜群籍留心世務爲人甚口好劇談宿學爲折角其能難又好騎射通挾九擊建音樂博奕之戲吳中文士輿輕俠少年咸推爲渠帥武宗卽位正法凌遲撰緒言及申法軍駕南征撰已庚小志大同之變撰幾策幼好談兵憤北虜滿城下撰兵統及滅胡經海寇突起當事無策撰枕戈雜言凡數十萬言今與其全集皆不傳于世金陵張文寺曰四甫之才子浚爲冠亦閭幽之論也

燕歌行

秦軍未解邯鄲圍燕丹新自秦城歸仰天叩心發長歎燕山六月寒霜飛質子當年苦拘迫馬爲生角烏頭白歸來傾國思報雠不知誰是橋邊客忽聞燕市多俠徒時相哭泣時歡呼百金求得趙匕首千里獻將燕地闢慷慨於期頭在簾落日征車猶未發聲嘶誰知筑裏心欲殘試看冠中髮荆卿一去不復還至今易水流潺潺黃沙迢迢照孤月祇今行者凋心顏

楊柳詞

上林新柳弄新暉柳上春來春又歸江南此日絮應盡北地今來花未飛

一自離家五經月夢裏垂楊別時折春歸不逐渠間燕春去其如花上塢
人道京華別樣春我獨逢春愁殺人陽和偏到字文樹風力長吹庾亮塵
塵飛莽莽蔽白日禁柳官花自顏色何事當年撫樹人今日還來淚沾臆
臆淚沾衣不得乾人生何似客中難年華易逐東流去白髮羞將鏡裏看
眼看白髮何能改故園楊柳應猶在婀娜長條拂地垂莫使春光不相待

袁抑之黃門防秋師還

秋風瑟瑟吹旌竿廷臣護軍西出關滿飲卮酒謝知己擒戎只在笑談間
憶昔胡馬遼陽入長屯短戍無完壁烽火夜照蓬萊宮黎民半死長安陌
天子履及寢門前軍無見伍張空營平兵已受屬饒死元戎尚擁嬌娥眠
一朝戎首念巢穴引馬西歸捲吹葉但道姚种非將才那知馬植爲胡謀
權豪自古難爲終倏忽有詔收奸雄天子神明萬里外何況區區掌握中
妖氛已靜狼烟絕邊戍防秋猶未輟關外誰專司馬謀軍中須仗辛毗節
君騎紫馬朔方城縱金伐鼓虜魂驚將軍勒兵視馬首左顧右盼英風生
羯胡戰敗無歸路下馬濡毫作飛布由來神武不勞師杖杜承恩歲云暮
君歸解劍服錦衣手持封事叩丹墀上功幕府不相借慙直惟有君王知

讀君封事若琬琰中行聞之舌應捲男兒意氣在封侯投筆却慚班定遠
吾才不是洛陽生況乃白髮垂星星禁中頗牧有公等何須重問滅胡經
平書著漢明經十六卷

閏三月十日將別王甥與之痛飲醉後作將進酒

將進酒解雙璧敝裘羸馬長安陌長安甕頭香可憐一飲須當盡一石手
引六博狂叫呼當盤一擲得五白千古興亡亦爾爾眼前得喪何曾惜市
上高陽吾不識且聽胡歌彈虎拍截進酒君莫辭人生失意亦有時韓生
不死淮陰市寄食漂母身無衣歸來報恩召中尉昔日王孫今是誰狂風
捲地吹飛塵昏霾四塞白日沉銅屏繡帳誰家子羅珍列玉宵盍簪皓齒
呈歌細腰舞樽前一笑輕千金燈燭孺履紛交錯折纓引袂招琴心惟願
泰山長不傾豈知莠草生階陰拂衣把酒對明月莫令衰髮頻憂侵君不
見阿房巍巍五千尺黃金爲塗玉爲城徐市東遊竟不歸海上空傳巨人
跡漢武效之築建章文成五利爭輝赫人生得受君王知縱死猶勝守蓬
華又不見衛青元是侯家奴會逢發卒征軍于破虜擒王拜大將舊日侯
家今有無白首一經守文墨笑殺申穆空爲儒遠使班超奮投筆恐負人

生七尺軀邇來投筆何所從不如黃白能爲功排金入紫若有神馳卿走
相如駘蒙馬遞四顧下盤室崔烈一日居三公出門但見可憐子斜封墨
勅誇英雄笑謂吾徒不解事赤手干謁誰與通忍語無言歸飲酒哺情暖
醺復何咎莫泣卞和與莫問楊雄詭畢生浮甕中劉伶祝婦口將從阮籍
乞步兵又似陶潛尋五柳吁嗟此輩安在哉明日解醒須五斗

維摩寺雨坐

同嶺無天徑陟岡有夷壤展眸入空濛遊心益昭朗長風吹輕衣飄搖翠
微上古寺迷夕烟明燈澹綃幌冥雨從東來驚雷自西往林樾忽不見但
聞山澗響景寂非避喧心瑩乃成賞爲禮沉痾踪因之知幻象

從田橋石徑赴拂水

江光開初霽山雲未全歛輕烟尚棲花積雨猶在鮮攜屐遊迴麓援蘿上
修峴環林何逶迤磴道幾回轉游心自忘罷策足乃知寒合章樂丘固耽
隱易台鉉頓使背念舒乃得今抱展將尋出世人一往不復返

於巖石上眺東西兩湖

旭踐山中蹊午憩巖上石雲移石欲墮雨霽蹊猶濕倚策眺兩湖波光煥

相製東若既紆青西衛亦凝碧芙蓉落雙鏡天影浮重壁不觀水分流但覺洲如織橋易有離聲磯鷗無並翼會茲物化情感彼高深迹從適得所遣何爲苦拘迫

見新草

北地無暄候不知冬與春朝來原上草忽見一叢新能亂行邊思極迷望裡神天涯三月暮猶作未歸人

皇甫僉事澤

澤字子安順慶之第二子也嘉靖壬辰進士除工部虞衡主事尋改主客累遷主客郎中自虞衡至主客凡歷四署所在職辦在儀制時貴溪爲宗伯請建儲表凡十上皆子安起艸貴溪用是當世廟意得超拜會置東朝官屬貴溪首推子安遂補右春坊司直兼翰林簡討車駕幸承天子安以禮曹冠從會改官不果行忌者乘間論劾左遷廣平府通判量移南刑部主事進員外升浙江按察僉事甫三月坐南計論黜未及赴調鬱鬱不樂發病卒年四十九子安自負高峻與人居非同調或竟日不發言於官操切既多忤物又稍稍與時匡異故宦履賸不達其卒也蔡子木爲詩哭

之云五字沈吟詩品絕一官憔悴世途難每爲人誦之輒嗚咽流涕子安
集其所作爲少玄集而子循序之曰方其家食含章與中表黃魯曾省魯
洞庭徐緝稱詩篤好少陵旣而李何篇出病其蹊徑專意建安嘗曰詩可
無用少陵也解巾登仕與蔡王二行人廣搜六代之詩披味號說雅許昌
穀乃曰詩可無用近體也又與王文部李司封唐陳二編修劇談開元天
寶之盛而心醉焉乃曰詩雖選體亦無使盡闕唐風七言易弱恐降格錢
劉也故其詩特工五言而七言今體薄不加想魯曾之子河水評其詩云
司直含咀八代苦心覃思每製一篇必經百慮旣薄杜陵之史心醉殷璠
之鑒蓋東覽優于諸集而五言長于七言斯定評也余觀國初以來中興
文學歷有源流自黃勉之兄弟心折于北地降志以從之而吳中始有北
學甫氏黃氏中表兄弟也子安雖天才駿發而耳目濡染不免浸淫時學
子循之序所謂篤好少陵者非好少陵也好北地師承之少陵也已游于
蔡王而軌躅始分旣游于唐陳而質的始定於是壹意唐風而盡弃黃氏
之舊學矣子循之所謂無用少陵者非薄少陵也薄北地剽擬之少陵也
子安刻建功外集皆昌穀未遇空同之作深非李于守化之言以爲知之未

盡厥有旨哉子循之自序與子安亦略相似子安少折于李何子循長歷
于王李文章之道不惟以時代上下抑亦以聲勢盛衰良可慨也自王元
美藝苑卮言記吳中盛事謂太原兄弟並擅菁華汝南父子嗣振騷雅至
今海內流爲美譚而中表因依研席應求文章問學風氣密移非深思論
世置身於百年以前未能或知也余故詳著之以表微焉

秋日雜詩三首

幽居測時化節逝一何速輕葉委前墀遠郊氣已肅臨窗啓玄玩披襟會
深囑悠揚麗秋暉凝光瀟灑草蟲鳴空隅悲人詠淩谷鶴言泛檜楫乘
流開情蓄

涼風吹嘉樹萬物遺光澤嚴氣乘運流華月曄如客凝霜無停艷違寒有
來彌歎彼往化駛感此淪歲迫修慮時多懷滯念誰與釋固窮見天道委
順自夷憚齊物遊恬漠高翔出形役

若世若浮雲飄忽無定姿滅影幾何間垂彩在一時存此豈不懷長戚信
自貽四節更代謝白日正西馳寄身於飈塵咄嗟復何之願逐枋舄游不
隨豐艸萎攬衣步列星極目散所思皖彼遙漢間會合恒有期營營非物

化琴歌爲我儀

代古

明月升東閣流輝照苦顏愁思撫清夜房櫳淒以閒玉墀花稍賸簷鳥雙
飛還凝蕤空錦衾游塵集綺絃馳波豈盡意浮雲難結言所恨千里遙所
望一水閒

雜詩

華節倏云逝流芳尚可憐分明婉孌日不計別離年聽燕語簷隙看絮舞
榴前匪無合歡艸幽怨誰能蠲

東齊枕上

閒臥東窗雲遂得成然越枕上桃花源花開不知數啼鳥自無心何事客
驚寤翩翩峰畔霞疊疊溪前樹俄頃夢還成去盡春山路

春朝雪後

拂曙啓荒扉雪照蘭林瑩迥榭眺氛氲層原閱彌亘春動鳥數聲晴開烟
一徑欲訪垂綸人悠然五湖興

秋燕

廣庭淨霄色良夜悅流翫
對巢箕人同懷發幽讚散步林
暝交微星吐華粲彼美雲中
魄徐駕升清漢玉彩含霜來
金扉隨風散繁絃起兩階孰
知我心亂

謁伍子胥廟

列雉影滄波望望深雲樹迴
照延清襟芳阡引幽步曲隅
抗蘭寢靈旗出殘霧疇昔抱
餘悲悵矣前溪路解劍遡英
風薦潔申遐慕芳艸忽復春
東門靄如故烟明剝殿霞風
滿平池露向月臨江洲含情
不能渡

汶上分水

異縣值分流客望倚孤舟情
雲南北散離浪東西浮堤柳
依吹管山花覆酒樓惟當艷
陽歲舍景送春愁

發郡城之天台道中述所經覽寄孔謝二憲副趙何二僉憲同年
夕夢曾城阿曉行滄波上縈溪復舍流連岑時隱障風濤信千轉雲峰非
一狀錦續紛迎旒氤氲忽彌望蘭泉芬可掬苔壁險難傍思偕同懷子攜
手追禽尚

桐巖曉發

周洲越南岑拂霧超東土宿處惟蒼烟逆天徑如縷林光曙鳥散海氣寒
雲聚憫勞感婦歎搖搖涉春雨

過陶山作

奔海適我日驚蓬頻異壤朝阻歎京周夕宿怨河廣近涉倦迴薄還眺極
際莽乘旅泛星闌挹流對秋爽解雲隨風來殘霞延月上不寐懷古今眷
物徒慨慷瞻淇非尺只歌瓠詎疇曩壁彩終寥聞龍文滋恍像榮光竟誰
覩逝川空復徃何以宣我心促柱發幽響

癸卯除夕直北曹作

獨馬向寒烟青陽春明發霜淨肅蘭池雲沈迥丹闕林阡躋易聚江天雁
難沒風物恨徂陰芳菲詎久歇紛庭默多惧巖闔坐愁越夙心愧盈尊含
情非華髮

兩夜離思

清宵隱蘿月皓暝滋林緜澤國夜溪雨亭早春草寒山光帶滉潏池響交
檀欒憶處畏入夢遙遙獨寤歎

秋日過庄居

千家樓閣俯溪流一道銀河漾綵舟花洲源裏通仙郭屨廊山面接平曠
平時靡迤越荒陌虎阜玲瓏望井隔松菊歸來陶令居雲霞宛對王琅宅
嗟予十載滯華臺無復束羊問草萊行披薛荔尋雲入重峯芙蓉向水來
回看荏苒浮年度物華慘澹臨秋素樓閣半沒滬魚踐落葉全深採樵路
君不見魚腸鑄水只殘流鶴舞市門難辨處念此令人賦廢興何況區區
歎遊寓回棹爽猶未肯前傷心寂寞寒烟樹

紫薇花行

有序

叔氏虞部貽余梧亭懷舊詩未遑報章秋日散步亭隅薇花爛目徘徊久
之亭故余讀書處也昔嘗春戀此花爲之賦有曰清風時動明月微娟悠
悠我心誰與晤言悲春華之不實絢紫閣而空傳履閒庭以載歎時徒倚
而屢遷垂貞嘉於餘藻永封殖于茲軒後余雙遊京臺累踐華省淪飄河
魏返跡敝廬顧瞻此花宛焉如昨而余白髮被髮妻其改容春華之句永
矣悼心貞嘉餘藻竟何徵耳因作紫薇花行以洩懷舊之思并以報叔氏
云

英菲窈窕綰臂前艷影扶疎翠肥連玉衡合照妍華夕金風弄彩吹寥天

流風逝水驚離索十載幽棲對花萼無情羈宦却歸來有客倚秋歎榮落
蘭宮桂殿鳳凰樓帝臺仙客恣游遊可堪殘月銷江夢不奈連雲騎省秋
言迫漁父賦歸歎寂寞蓬蒿掩弊廬旖旎繁英重八賦婆娑生意最愁余
人情感物多惆悵白髮紅顏兩相向東籬併就菊松姿北山豈孤猿鶴望
青葱摘藻記甘泉潘陸春華此弃捐未忘溫室瓊瑤樹虛擬湘源杜若篇

翠華歌奉寄白巖喬司馬

翠華遙在鍾山側五雲松栢空愁色長干街頭飛落花秦淮樹上啼早鴉
雁門旌旗塞江口蛾眉哭聲徹南斗翩翩漁獵百州長紫鱗白額隨龍蹏
赤心將軍射賜手馬上驚弓天子傍京塵北風暗騎玉梨園子弟爭馳逐
彭蠡中丞思赤松留都司馬哀黃竹御苑朝天楊柳垂錦纜牙樯那得知
寄書惆悵話王室一夜秋風鬢欲絲

雪山歌奉寄彭太保

雪山嵯峨控西極寒井陰光混開闢千秋鳥道無陽春北風慘澹吹峨岷
羽書宵過褒斜道火入靈關徹昏曉愁雲百里填城河帳中銀燭然盤陀
將軍狐裘細馬馱彈箏伐鼓金巨羅指麾羽扇白玉珂背河一戰收蓬婆

銘功刻石報天子麒麟閣上事已多憶昔中原全盛日八方無虞醴泉出
龍舉空悲劍舄藏海南漠北俱蕭瑟君王垂衣念西土錢塘老子不足數
彭公大梁仲獻捷已見彤弓出天府持節心知主恩重入關更識王臣苦
文武吉甫非公誰臨洮健兒勇如虎驥子朝披玉壘雲魚文夜濕金隄雨
關中一月見節制烹羊宰牛割清醕狼籍衣冠頌破竹馬前父老稱安堵
園陵佳氣春氛氤錦官城中日歌舞當時匹馬更朝天又逐輕車過酒泉
勲名豈數七十戰至今邊卒高枕眠歸來謁帝承明殿世事那知一朝變
功成下吏古所悲浮雲蔽日今曾見天下驚聞柏臺火匣內空留上方劍
壯士長歌梁甫吟孤臣獨泣瑤池宴蓮峰落月照黃河榆谷飛塵暗蘭縣
武穆祠西秀水流一望江山淚如霰

西湖歌寄方思道

西湖窈窕三十里柳絲含烟拂湖水青山蕩漾春風來蘇公堤邊花正開
玉缸春酒映江碧幾醉江花柳花白城頭日出照高樓銀筆翠管喧行舟
吳妹如花捲綃幕山水倒入金屏流朝來復脫千金駿還有牀頭紫綺裘
人生行樂莫顧惜落日松風吹古丘我憶京華舊遊地漁浦東看動愁思

醉裏空歌鏡湖月夢中尚識孤山寺信安使君還舊溪應對花卮惜解携
白沙翠竹無人問湖上孤吟聞馬嘶

長安官舍對新月次韻答宜俯

雨後延新月杯前共此身微睡不照綺清漢欲生塵自惜行將老相看只
合貧開秋思無限重感獨歸人

余爲郎七載自被譴命忽爾踰年五日郡齋北望依依乃憶長孺
禁園之對子壽積愆之篇獨何爲哉聊申短述見古今之情有

同焉耳二首

極目漳河畔雲霞千里平傷茲爲謫宦頻夜夢華京犬馬淮陽病江湖親
闕情雖微子公力猶自憶承明

昔忝合香貴浮年屢已侵自期酬白璧誰道鑠黃金命纓愁來縉恩波誰
去深荆南書檣懸行見鄙人心

書感

衰年自覺感歲暮復驚心失計終如此窮愁底似今溪前壓寒色浪裏流
殘陰兀坐但對影空看沙際禽

春朝對雨懷省中舊遊

山城看雨色
西省憶蘭芳
春日京華遠
江天離思長
疎花開梅樹
新水亂寒塘
遊子今何去
聞鶯祇自傷

季氏亭燕對

季也黃花酌
依然故里歡
留芳度冬序
遲候賞秋殘
細艷雲藏暖
疎陰月到寒
傷心倦歸者
容易兩年看

宴東湖流杯亭送歐陽大參赴蜀

流杯亭上酌
修竹亂溪雲
樹烟常合春
山雨不分別
情依去鳥客
路入重雲懷
舊仍傷遠
夢歌夜獨聞

出潮陰望楊柳村聊作

乘雲命傾蓋
帶月度征輪
地白翻疑水
村寒不悟春
霧交平谷樹
風散朔方塵
詎向耕夫問
垂楊宛舊津

病中雜言四首

翛然秋色裏
斜日下庭蘿
蓬徑無人顧
空林落葉多
山光當戶映
雁影掠窗過
靜者今方適
何言久臥疴

東軒微雨後向夕引雲暉綠竹陰常滿青梧葉漸稀無端疎酒盞早已投
寒衣予本淅江客將因謝病歸
自予牽世網屢轉歲時侵坐惜衰遲長空思近舊林虫鳴秋戶急月照客
庭深已分愁中老愁逢病不禁
經時謝朝謁因病得閒居日暗牛羊下風吹薜荔疎鄉心候秋水晚計卜
田廬近訝交能絕枯瘵已著書

有懷喬白巖司馬

風蕭園陵樹霜天賦角悲後湖衰草色空對漢官儀辛苦趨朝日鶴危危
聖時江都千萬觴老淚不禁垂

夜作

帆飛川路永烟霧杳空冥復積寒江渚楓凋古驛亭日沉昏渚影雲起亂
峰形入夜看牛斗安知有客星

江上留別友人

風蓬去未已烟蔓復牽情分鴻下林影別鶴上琴聲征艫惜潮便祖酌畏
尋頻離亭有青草空識合歡名

夕泛旅思

行行道轉遠于役定何求
旅思依旌隱鄉心向驛樓
官陰疑雜樹梅氣逐
驚流此夕勞歌罷惟應月伴愁

自遂河登舟雜興

欲社辭關路徒樂望川
淮水練開烟素首衣結浦華雲行低合柳江淺細
澄沙何必窮源使言乘銀海槎

彭城道中雨行

晚邇彭山道歸雲暗幾峰
殘陽向湍沒飛雨度川重
誰遣長途思還傷逐
客踪已看惟岸盡鄉夢渺何從

沛上旅懷寄兄弟

向暮勞歌起川長緩去程
鄉迷淮樹隔塞斷楚雲平
浪迹舟誰繫繁憂酒
獨傾如何原上鳥偏近旅人情

湖興

客路浮海萍西風引汶川
巖容搖浦岸水色淨湖烟
旅雁青山外殘虹綠
樹邊滄浪榴榴發待枕月華眠

寶巖溪口招范居士不至

倚棹待幽客蕭蕭風滿林遙知雲盡處猶隔洞門陰岸靜落花落溪閒山
鳥吟真成獨往趣自入武陵深

自一雲至天平登白雲泉亭晚興

鐘聲細迴策秀色餘西岑微徑不知處白雲長自深松堂散花雨溪橋橫
峰陰獨夜泉亭月寥寥期此心

治平寺

風中到香界獨往意冷然步引花木亂坐看洲島連一林寄空水滿院生
雲烟正此化心寂鐘聲松外傳

春暮偕以言海鄉之遊余時病不能詩旋途初月握手論交姑屬
短句以代紀行

宿宿滄波棹殊飭昨日春聊因泛海興時偶逐潮人萬水無他壑三山卽
此津乘桴應從我吟待月華新

龍湫

誰云天路絕瀑布已登臨石壁烟霏亂春山河漢深一峰懸峭色諸壑下

霄陰恨望飛雲夕搖搖此際心

宿雁山靈巖寺

寥寥到真境宿處傍風泉遙引疎砧群峰寒暮天白雲滄州賞情夜石
門禪却笑桃源客空從蕙路旋

楓橋舟中與子循別

落日下離津江天引望黯黯對尊酒惜爾向風塵白海迷來雁清霜長
族人從知比柯葉信是共沈淪政理操刀暇交情贈編新班荆懷雨露投
壁謝緇碑阮籍窮途淚平原世網身何能亦漂泊谷口正逢春

淮陽

海畔淮陽郡風烟奈此何客心自容與湖上幾經過驛岸丹楓少人家綠
樹多雲帆朝見市津火夜聞歌城郭連鴻雁江山映綺羅寒潮正相待歸
興滿滄波

晚興

恨望林梢送照微渚烟江樹暝冬輝離邊黃菊人方逸湖上青山興不違
斜月暗催漁唱起片雲遙伴鶴飛歸近來好事相過少落盡寒霞獨掩扉

河陽馬上看江寄謝司直

秋空立馬大江堤，天畔雲山望欲迷。
何事愁心學潮水，朝朝暮暮秣陵西。
金陵絕句

長干已過落花辰，滿地楊花不見春。
強折垂楊送歸客，勞勞亭畔共沾巾。
寒夜曲四首

碧殿金風生綺紈，宮槐吹盡不留殘。
沉沉月到苔陰上，添却芭蕉無數寒。
空庭謁謁月凝霜，銀燭無光玉漏長。
清漢數聲征雁度，夢回中夜憶遼陽。
寒切雕窗透錦茵，殘更望斷履絳塵。
空閨不恨飛霜夜，總使春來益黯神。
玉衡低戶夜無聲，月色籠寒照不明。
燈火漸催迎早歲，絳窗愁殺近啼鶯。
鍾吾驛晚思

遙山白雲外，古驛青林端。
惆悵長川易盡，蒼然多暮寒。

皇甫公事汴

汴字子循，順慶之第三子。嘉靖己丑進士，歷工部虞衡司郎中，謫黃州推官，召入爲南京吏部稽勲郎中，又謫開州同知，量移處州府同知，升雲南按察司僉事，以大計免官。年八十，乃卒。子循七歲能詩，順慶課之輒得奇。

何舉進士名動公卿分宜南海諸公皆引與酬和冠蓋欽集其門成市子
循頗沾沾自喜竟用是左官丁憂里居御史王言按吳斯專橫民間爲之
譟疑其出于循也捕繫欲殺之亡命得解罷官後復爲陳御史所窘破其
家其爲人和易不修邊幅近聲色好狎遊而不能通知戶外事以故數困
以老壽終其天年近代文士所罕見也子循少與伯仲氏及中表二黃稱
詩掉鞅詞苑五十餘年其在燕中則有高叔嗣王慎中唐順之陳東在留
署則有蔡汝楠許穀王廷幹施峻侯一元中山徐景再赴闕下則有謝榛
李攀龍王世貞而謫楚則交王廷陳遼滇則交楊慎咸相與上下其議論
疏通其聲律其自叙以爲本之二京參之列國江左關洛燕齊楚蜀之貴
無所不備變亦盡矣心良苦矣司直司勳甫氏競興學問源流約略相似
始而宗師少陵懲折洗之弊則思追溯魏晉既而含咀六朝苦網績之窮
則又旁搜李唐當弘正之後暢迪功之流風矯北地之結習二甫之於吾
吳可謂傑然者矣司直早世司勳窮老皆不能與余州爭名子循自評其
詩以謂吾與我周旋又自戲一家尚不肯學步少陵而不能不假靈于王

李元美之評子循謂其今體風調頗似錢劉文學六朝時特失步于循者
解顧新語於時賢都無評臨米知其評元美何如也

樂府十二首嘉靖丙寅作

乘法駕

乘法駕者正德壬午武宗晏駕大宗伯毛澄奉昭聖皇太后懿旨恭迎興
王繼序即天子位也當漢朱轡

乘法駕出潯邸辟蘭坂璫楓陛握乾符奉慈育橋中傾碣呈字從臣觀稽
首喜應帝期稱天子泰階升更化始陋代來芳春起

樂府十二首嘉靖丙寅作

登廟制

登廟制者嘉靖甲申追封皇考獻皇帝越數歲九廟成也當漢思悲翁
典禮成四海謚享祀裡九廟翼考明堂筵太室獻皇躋烈祖匹故鬼小幽
靈假詠孝思欽明德

登廟制曲凡十二句句三字

秩郊裡

秩郊禋者歲庚寅上可給事中夏言議創建四郊是歲日南至摩訶岡丘也當漢文如張

壇時準圓方神祇奠南北父郎奏既命春卿議食集序想乎筮從鴻圖表景測營燎迎初陽寅威練嘉日裸獻昇上公參乘簡元戚八駿夾電馳六龍蔽星出天路抗旌旄雲門開琴瑟殷薦升紫烟告成瘞蒼燈齊輶肅華班旋塗鴈清蹕靈貺展斯今仁孝光自昔

秩郊禋曲凡二十句句五字

歲皇史

歲皇史者歲乙未上命考古金匱石室之制以藏書寶祖訓也當漢上之回

歲皇史函帝籍金爲匱石爲室鐵葉綿細卽甲乙題文華充武庫簡鴻儒暨家誤於萬斯年守之錮

歲皇史曲凡十句其八句句三字二句句七字

展陵

展陵者歲丙申上以壽陵之役巡遊昌平臣爲都水使者除道西山也當

漢翁離

帝春園寢謁款丘陵馳道且築行殿宵營且帷成屋列幔爲城般雲謝巧
周日非靈敢行玉輦坤御金輿六官婉從萬國賓趨鑾鈴響述環珮輝徐
五臣供帳百辟燕醑朱明司辰清和康節草樹蒙恩禽魚騰悅周歷皇畿
軫茲民業遐攬邊關洪思祖烈去茲轡轂端泛龍舟山開陽翠嶺川效安
流雖此柔情並暢麻蕪揚休枚朔第頌胡贊王猷

展陵曲凡三十二句句四字

思舊邦

思舊邦者歲已亥上以章聖皇太后喪卜宅原陵駕幸承天臣左遷黃州
獲預從事也嘗漢戰城南

南巡紀臚岳東幸細柳豐白水循往轍丹陵訪故宮江漢眺吾楚霜露慘
宸表電奔翼八駿雲興起六龍不有居者誰監國皇儲且截馳道出翟相
行髮細柳中顧公鎖鑰青門北盡發邯鄲道夜渡黃河渭軍容肅肅間官
儀豹尾後載班姬隨衛火弗戢漳流半湮寇臣視解服邦侯械以狗旌旗
蔽日指樊城簫管具舉壘金鉦父老稽首避道迎椎牛置酒宴錫京山川

通喜色禽鳥延歡聲闕朱閣掃青室思煩禁存祗席齊心望祀純德仙間
周爰園寢悽天顏詔發郢門邁燕閑格祖特告鑒輿遠

思萬邦曲凡三十二句其十四句句五字十二句句七字二句句四字
四句句三字

管仲漢

管仲漢者歲乙巳吉囊化超中國王三尊之入京師震恐帝禱于上玄兵
未交刃賊就擒虜乃退也臣在南司勳代太宰章云當漢至山高
翔虜驕勢惟吉囊自稱華裔幼先皇長伎一逞百不當誰爲謀者餘子王
憐威藉寵祈上玄有征無戰神武宜班師振旅歌凱旋

管仲漢曲凡七句句七字

寢盟

寢盟者歲庚戌虜擁衆大人胡馬屯於較下帝赫斯怒集羣臣庭議采司
業趙貞吉言飭兵振旅虜乃退也當漢上陵

庚戌之秋虜大人渡桑越兩谿古北烽火夜照甘泉宮旌竿齊蔽長安陌
驅我士女蒙氈衣屠我牛羊爲漁食鎮臣氣投邊將兵弛侵職濫官勤王

者死決勝豈有帷中謀主和還胎城下恥天子旦集廷臣議月中不決猶
素紙蜀郡才華久稱趙橫慨挺身言致討書生由來創術疎性繫單于惟
餌表議上始覺龍顏開司馬授策宗伯舉杯登陣一呼疾聲震雷胡兒躍
馬趨風回群工獻壽咏康哉

幾盟曲凡二十五句其十七句句七字八句句四字

海波平

海波平者倭夷間幾幸壬癸甲始無寧歲越丙辰司馬胡宗憲受命與司
空趙文華盪平之繫王直俘陳徐等奏功太廟也當漢將進酒

品夷日本稱最雄兒首駢拇兩瞳乘舟截險洪濤中跳梁若蝶聚若蜂
揚竿烈炬耀日紅攻城掠邑誰嬰鋒紅女休織田無幾帝命祀海惟司空
授服秉鉞有胡公狼兵苗卒集江東夜縱巨艦突蒙衝倭海波平直奏膚功
兔窮易盡艱厥終

海波平曲凡十三句句七字

更極

更極者歲戊午三殿災帝命祈之更奉天爲皇極華蓋爲中極謹身爲建

極也當漢有所思

三殿災變關燎天子避疑厭勝以壽朝右个御西清玉食有咸金懸無聲
誰其梓傾窺大庭流烏化雀將焉徵除舊布新承天意司空飭材俾壯麗
宅中述極欽哉從事

更極曲凡十三句共四句句三字六句句四字四句句七字

遣仙使

遣仙使者歲癸亥上慕神仙之術遣御史王大任姜儆分道采訪異超異
人授秘書求長生不死也當漢已無

周穆窮寢字肅武慕蓬壺東生遊調笑西母譙懷愉顛既厯綽解丰亦枉
蒲車緩齡朝上藥御氣秘真符臺端兩侍御將命發天都齊梁歷南楚既
越盡東吳姓名河上隱物色市中趨金簡探綠籍瓊笈訪朱書曾未三載
還幸與百年俱禁館禮上士授桑出中厨行聞避聽馬埽見箱銀魚稍首
願玉體壽考永無虞

遣仙使曲凡二十四句句五字

考芝宮

考芝宮者歲乙丑辟廟產芝瑤光映室乃建玉芝宮以時致享昭孝感也
當漢太和

河清社鳴誕聖人握符續曆瑞不臻天垂卿雲景星現地出醴泉澤曼
衍導禾六穗麥兩岐嘉瓜並蒂連理枝三足軒翥肉角嬉龜鹿雀兔咸素
姿包匭騶賁貴四馳芝艸凝祥處處生獻廟忽產屋之楹瑤光瑩潔秀九
莖銅池芝房惡足稱帝命作官時享以報子孫千億昌胤允紹

考芝宮曲凡十八句其十二句句七字六句句四字

芳樹

芳樹九華遶春風一度妍飄香承輦路弄影向甘泉綴葉紛千種濯枝幸
萬年不作淮南桂空山徒棄捐

臨高臺

高臺望不極臨竚意何窮茂苑花爲苑吳宮錦作宮管絃虛夜月羅綺罷
春風獨惜易啼處猶聞曲怨中

有所思

春風吹繡戶明月鑒羅幃同心阻芳訊千里悵清暉歌絃塵屢積舞衣香

漸微別有閒情處梁間雙燕飛

巫山高

蜀道連巴水巫山接楚陽情來爲雲雨愁起見瀟湘楓葉吟秋早俱聲入
夜長何能降神女彷彿夢襄王

隴頭水

隴坂去何長隴水復湯湯咽處堪啼淚流時更斷腸三秋邊草白萬里戍
雲黃辛苦交河使西來憶故鄉

折楊柳

不見隋堤柳長條大道閒絲陰流水去帶影還春還妬眉銷翠黛隨銷損
朱顏日暮行人盡思君可重攀

梅花落

早見梅花落江南春未遲如何上苑葉不似故園枝影怯臨妝夜香憐逐
吹時無人問消息獨自寄相思

關山月

故園千里月流照入秦關弓影同看曲刀頭未卜還迷雪度客與映水咽

潯溪莫遣青樓去，摧殘少婦顏。

邯鄲行

寶馬邯鄲道，金裝遊俠過。一朝罷歌舞，千秋傷綺羅。臺榭風花盡，郊原烟艸多。客心將夜月，滾滾向漳河。

冬宵引

冬宵不易曙，耿耿朔風淒沙雁。寒蟾起城島，罕未棲孤舟。泊江上，征馬渡遼西。豈但金閨裏，能添玉筋啼。

易夜啼

長樂宮中秋夜長，美人新得幸。君王別館不愁金，作屋曲池無羨玉。爲梁門前數報公，車過樓下時聞脂粉香。總是啼鳥聲，轉切歡娛那解曲。淒涼

江南曲

錦帆西去遶橫塘，画舸驚來悉粉妝。旭日籠光流彩艷，晚雲停雨暎蘭芳。飛絲帶蝶粘羅幌，吹浪遊魚戲羽觴。自是江南好行樂，採蓮到處棹歌長。

春江花月夜

空賢芳樓約愁逢，江上春月華天外。潔花影浪中新詠，是沉珠浦將非濯。

錦津爭言關作舫復擬桂爲輪圓缺同今夕
縣零異昔辰關山猶自隔攀折贈何因

擬中婦織流黃

金閨方永夜翠袖埋殘機燈花斜落鏡月光低鑒
幃寸心共絲斷雙淚與梭揮作伴除蛩響驚眠惟雁飛
織就當窗素裁爲遠道衣徒令芳訊達不及早旋歸

擬伯勞東飛歌二首

蛺蝶雙飛燕並棲秦樓燕市花成溪誰家玉人當戶
燒合羞飲笑橫波馳寶髻珠鈿明月光羅幃翠帳秋夜長
秀顏皓齒纔十五時向芳筵作歌舞

露臺露綫生暮雲空留可憐猶爲君

夜易悲啼朝雉鳴青琴絳樹無限情誰家臨鏡總新粧
雲鬟刻飾出意長翠屏錦帳花連理洞房仙老暗香起
年幾二七奉下陳光彩流盼姿絕倫春風東來吹落花
綠窗可憐處歲華

賦得處處春雲生

春色滿無際朝雲取可憐金枝紛映帶玉葉綴聯翩
弄影交疏裏含情飛

盡避長安遙向日何處奉非烟

烏散餘花落

春來啼鳥伴相逐百花中棲處迷深綠飛時帶淺紅祗惜香沾羽非關嬌
愁風回看意不盡猶自愁芳叢

空梁落燕泥

金閨春色早玉闌芳信賒人歸顰後燕淚盡每先花戶暗香泥積梁低舞
影斜不作雙飛去東隣王謝家

夏日湖泛作採蓮曲

雀舫疑杯渡虹橋似帶縈湖光湛處全無暑雲氣浮時半有晴此時流水
歌聲起此日採蓮珠未已帆迴櫓轉逐橋斜樹裏溪邊是妾家翠裙嫋殺
風前葉紅粉嬌於水上花閒花惹獨含愁人去人來不斷遊玉竿醉霞
何惜晚瑤華零露易驚秋秋露兼葭沒秋水芙蓉歇菱鏡年年非故顏荷
衣夜夜空明月

送楊子祐知興國

尋役謝皇畿遄征辭帝闕朱明垂方隆修景迎未歇晨旌抗欲徂午馬嘶

不發且覆天末鰲暫緩星前轍據情誦子衷執手信我說丕休榮嘉運利
用賓府哲彈冠捐族間縹緲朝列玄士守深湛謁帝生激烈捐首金馬
榮澡身玉壺潔平江波濤與吳宮垢氣結一麾竟出守三命聊所竊行行
適楚荆泝滌遵吳浙旆指衡服雲帆掛湘干月遐想百代雄浩歎一時沒
願葆幽谷資母俾蘭芳滋嗣介投處言慷慨起長別袂連汗並揮心與國
俱熱洞庭秋水清擊子中流楫

春日書抱東窗道諸君子

璚機幹迴運寶歷啓東節載陽薄曾暉改陰謝凝結條風衍遐圻飛澤振
窮穴昔感百卉腓今觀群芳悅皇仁美無遺物化滋未歇惻予秉國楨利
貞稀朝列命邑奚獨愆愬關良自拙天高赤堦塗雲暗黃金闕區區誰見
知怛怛難具說所藉揚末光終然照屏劣

胥江汎月旋舸登城端詠

江寒湛澄澈華月輝相鮮乘流載尊俎瀉影發樓船翠燭合香露蘭皋帶
長烟萬艘雜燈火千門紛管絃飛蓋攬崇堦輟棹迴前川曾經故宮裏爲
照荒臺邊情非鳥棲夜跡是鹿游年登高與臨水行樂併悽然

夏日來鳳亭小集各賦

首夏猶芳月終宴就薰風泛觴蘭水上置座竹林中飛花代舞似鳴鳥當歌同笑將愁暫破醉遣累俱空更待西園景留賞北山叢

春夜游西園同諸兄弟作

佳節值瑤燈清夜游金谷良友披蘭襟懿親儷芳躅經過敞榭邊徙倚寒塘曲遵渚雖近尋翫峰生遐矚軒冕幸暫違簿領謝羈束跡非三徑荒情是一丘足鏡裏髮始華尊中酒初綠及時不爲歡坐遣春光促

奉答子安兄

江郭改故陰家園謫新霽柔條始發林芳艸漸紆砌潘岳信爲閒楊亭況重閉曰余忝明時與子永嘉惠分省各有譽佐郡慙所蒞暫就北山招轉輒東田稅情忘桃李言跡豈匏瓜繫感遇興長謠來章細幽契

奉答子安兄歲暮見贈

在昔參英寮俱承明主顧被服紛妍姿影纓儷芳步悲哉游子情徒以潛郎故一爲衝颺激遂使佳期誤人魏悵無倚浮湘春有慕揚旌指敞廬千里同歸路再聞蟋蟀唱兩見蒹葭露耀靈本易傾馳驅豈難度端居懷苦

心苦心誰與晤但感時不然何嗟歲云暮

冬日往虞山作

故鄉誰不懷名山矧余慕一爲塵跡牽遂關賞心晤偶值芳歲闌遙泛滄洲趣澄江帶餘霞丹壑收殘霧巖霜委野草寒飈振臯樹指途尋舊蹤流盼成新寓魚樂媿淵沉鴻冥羨雲鷺歸來徒是今履往悵非素

天界寺贈半峰上人

顧省紛俗嬰尋山愜幽趣秋水淨金河寒雲翳珠樹了看花落時莫辨鳥還處休公別來詩江生擬將賦

雨過高座寺

晴雨黯花丘綠雲入香界修策振林間疎鐘落峰外康樂誦阿含陳思演清暇欲除常戀幸惟是逃虛快

始至澶州作

自我謝郎曹掾來守吏局場翼懷奮飛低眉就羈束驅役遵旄丘興歌睇淇澳愧乏沂海謡何以佐明牧幸窳官城辭間可埋尺牘升旣等陵喬沉亦悟陂復芳艸合江程清猿始旋轂衛水日東流因之鑒心曲

同蔡中郎過王員外宅懷子安兄

委巷駐高車清溪夾幽宅細雨急逝年凝燈照寒夕依同南樹情飛異西陵跡爲假雲中翰一寄天台客

往視城南別業

夙齡不事產落魄懷英風抗心雲霄外絕戀蓬蒿中避世豈在遠漢廷聊見容未識山川險安知途路窮兩自違京輦久欲返臨邛疏公有遺業精舍開墻東命策值蕭序覽物感情悰逕密多陳莽林荒非故叢肯往侯門稚今歸成塞翁鳴蜩若騰笑馴麀儼相從搏飛之高翼何爲苦微躬吾廬倘可適稅駕幸來同

二郎回溪詞

事載青田邑誌

謝公永嘉守在郡宥無爲敦賞值令弟華夢每相攜躋險既山頓窮源亦水嬉溪名沐鶴是人親游龍非駕言輟棹際並影浣紗時凌波餐秀色拾翠逗芳儀援琴挑未就解佩贈猶疑高唐侈宋玉洛浦悵陳思杼章但辱動締心空目馳來同湫風止去作飄雲辭停聲三婦詭嗣響二郎回

樂清登簫臺訪浴簫泉

仙蹤詎可攀荒臺尚堪訪簫弄清泉中
鵲振紫巖上波動若鸞沉雲飄似
鳬往浮筠本無垢托心在塵想花溪
如有靈應流葢山響

從軍行寄贈楊用修

思文際聖君稽古萃群辟子雲侍承明
胡爲去荒域被命事犀渠差勝下
蠶室憤志酬入書榮名重三策丁年子
卿嗟皓首仲昇泣看窮窮瘴烟放
鷄定何日業旣違操觚勳還期褻華
五月行渡瀘千里望巴國瀘水向東
流巴雲忽西匿相思持寸心願附雙飛翼

悼亡友周詩三首

昔我求友生周郎早投分藻綴聽玄思
雄談發孤憤壁立常晏如崖檢若
乖性落魄懷英風晤言每祛吝歲中
從薄游時復惠芳訊謝秩始歸田延
益擬間逕詎意雲靡依忽隨露先盡
登座揮素琴巡檐度哀磬遺令眇約
終裂書寄遐殯

陶令棄官日徵君寢瘵時巨卿宵夢愕
元伯晨計馳申緘五情塞撫膺雙
涕垂旣捐韓康肆復捲嚴平惟冥數
豈無驗良藥寧自醫夙昔重季諾感
激平原知雖乏擔石蓄能薄千金施
游魂眷仲里元體處山隈死生交已

謝留恨翟門題

張仲讀書吳山

輟養辭南咳駕言邁西郭問子將何之避喧謝羈縛堂間豈不懷雲林詠
有託風叩支關清月鑒重帷薄披帙就長明靜夜靈花落羊亡屏意筌猿
定改心簫幽谷聞鳥鳴澄湖眺魚樂霞綺雜烟絲桃柳互紛灼時枉塘上
篇日積丘中作焉得奮羽翰因君適寥廓

長安十六夜歌

長安十六夜如洗千門萬戶烟花裏閨中少婦夜出游陌上行人忽成市
粲粲珠鈿映月來翩翩翠袖得風起風前月下逞嬌姿愛情春花能幾時
無那萸萸先落莢只愁楊柳漸飛絲游絲飛入黃金地撲鼻穿簾果何意
鳳甸常懸綺雪發鰲山久罷觀燈戲燈光却照五侯家列炬然膏滿絳紗
豈謂鋪金能作埒亦知剪綵易爲花銀花火樹開佳節遂令觀者相環列
霍氏門牆有後塵魏其池館空前轍淒涼往事已爲陳恨殺懷春似玉人
莫賤蘭房今夜女故多椒掖舊時親明璫盡結瓊瑤麗絃服爭看錦繡新
福曳簾時香散霽磯移蓮處暗生塵香塵冉冉隨芳步共道非烟亦非露

馳目還憐梁下期。冶容又爲桑間誤。聞閨今已美如雲。夙夜誰當畏行露。
鐵鎖遇開天上橋。漸臺何必待符招。二南倘被翹薪化。四海應回廣譽調。

玉河怨

玉河西堤柳青色。含烟弄霧金門側。水接昆池波欲流。日升翰苑光先得。
日光照耀九龍開。萬騎千官天上回。仗影迴迷飛絮去。珮聲遙雜轉轡來。
鸞轉皇州春漸暮。曳珮鳴珂沒如故。物態那禁鱗運催。人情總爲繁華誤。
一夜秋風歇衆芳。萍水悠悠枉斷腸。不見曲眉雙顰無抵聞。羌笛怨斜陽。

太平隄行

余兄子安並友蔡子木皆南移法曹而余亦淹水部。往省家兄時一至焉。
旣而出補越憲。間因蔡子往者月僅再至耳。蔡復考績北征。經月不一至。
也。偶過茲地。山色湖光宛然在目。雁行鳳侶。悵爾離群。延佇久之。賦詩展
意。

太平門外古崇隄。嘉樹扶疎夾路垂。負郭盡爲芳艸地。沿湖直達白雲司。
當時王貢總仙才。況是承恩北闕來。御史府中烏半宿。尚書門下騎雙回。
青山幾度朝陵節。玄水曾流祓洛杯。鳴珂再過平沙道。問舍多爲後來少。

已看秦賦甘泉宮每憶傳詩臨海嶠驚心歲序易經存舉目湖山宛自新
合香不覩遊蘭客息影徒逢愛樹人由來聚散皆無定欲寄相思那可因
金陵還客歌贈周以言

有客近自金陵還言余特造竹林間別日無多江上夢秋風忽改鏡中顏
彈缺悲歌橫義氣班荆坐語都門事翻接人情結堅同榮枯世態展皆異
悠悠誰復爲憐才落落何須又懷刺君不見昔時江左重名流一朝燼城
隨荒丘徒令戶外客雙戟安用車前引八騶青溪遠接易衣口舊宅垂楊
幾存否陳遵那顧尚書期阮籍惟耽步兵酒白首猶逢塚國人傾心記信
平原友歸去何如謝世卒六閔不入最稱賢莫將一物半雲淚灑向西州
岐路邊

昔時行贈王亮卿下第之松江謁劉侯

昔時邂逅長安道下馬通名何仲卿今來會晤閩城傍把劍語故俱茫茫
問君何來西出秦拂君衣上洛陽塵顏周但使友人識金盞徒令妻嫂嘆
君不見吳王宮闕荒蕪久世事何如飲醇酒新月正照鹿臺花離心欲贈
華亭柳男兒快意須目前安用餘名潤身後蒲鞭爲郡有劉君聽馬風流

迥不群江上鱸魚逢正美客中鶴唳更堪聞莫嗟失路無知己行見張華薦陸雲

長干行送陸儀曹重補南署

長千里金鋪夾蘭陀陸樹蒼蒼控石城淮流淠淠通江水廿年高臥東山廬一朝更踏西京市馬上耽游期不顧緩轡微吟日將暮都人觀者語道傍白頭何自始爲郎莫恨漢家今用少須看止輦拜馮唐

鸞室成

鸞館開周典鸞鳥冠漢儀棘塢春竊窺桑沼晝連漪豐獻夫人日衣明上帝時娥媼御王母玉珮降瑤池

秋夜

夏晦秋俄代星虛夜忽分鑒帷微露月臨檻淨披雲旅思隨桐葉鄉心及雁群蟬聲雜砧聲併是不堪聞

承天候駕四首

東幸方過沛南巡乃至衡翠華臨楚地黃屋駐樊城雲以朝歌白河因夜渡清寧知天子貴別有故鄉情

金輿移舊邸玉輦山離宮侍從多方朔參乘卽衛公禊堂逢德水獵館報
春風猶指邯鄲路分明恰帝衷
茲地承嘉惠仙班喜復從天行傳駐蹕月出候鳴鐘禮樂河間事山川
上容由來江漢水何處不朝宗
周王初宴鎬漢武更之回柳向帷城繞花隨帳殿開復憐豐邑賜功悉代
時來尚說恩波在何曾慰郢哀

憶游虎山寺

自識溪橋路常懷釋道林水流精舍曲門閉洞湖陰日向芙蓉度春從楊
柳深未泚游後興還似欲相尋

芙蓉湖日見高僧傳

新霽

澤國偏宜雨山齋復喜晴雲依飛蓋散日吐半規明羅逕何嫌密花溪稍
覺平還知滄海上今夜月初生

正陽城樓西角二鷺巢爲

並負青雲翼來就紫閣樓攀龍竄殿北隨雉臥城西顧影依霜潔鳴籌候
月迷振雖殊可詠聊此謝塵泥

山行值雨

茂苑多春雨，花源信水鄉。端居移物候，靜悟得年芳。山舍松雲亂，湖濱蕙雪長。思爲拙者政，耕牧向河陽。

春溪晚興

別業懷東墅，名山倚北岑。川原澄夕霽，雲水亂春陰。看竹門從閉，迷花路轉尋。歸心不及鳥，隨意向幽林。

元夕熊子叔抑過集時謫常州

國論何年定，鄉心此夕搖。雁飛天畔驛，龍隱日南橋。謫宦恩非薄，之夷路詎遙。誰憐梁傅淚，曾灑漢文朝。

雨次沛上

帝昔歌風處，人今聽雨來。寒催豐戍早，聲咽楚江迴。野鳥啼荒壘，浮雲翳碧苔。徒令過周客，一灑廢宮哀。

天界寺

城南多古寺，爭得道林居。馬過談經後，鳥來施食餘。人天長示滅，花月幾淪虛。飛錫何時晤，東山欲致書。

送王良醫之武岡

白髮微官在滄江別路長看星趨翼軫問水過沅湘採藥身千里聞猿淚
幾行惟應鴻寶訣猶得待淮王

謁周孝侯墓

地是先朝賜橋鶴異代存枯枝交隴樹流水到祠門落日瞻遺像英風想
逝魂蹉跎余亦晚愁向陸生論

寄故園兄弟

旅跡原無定塵躬且未寧心將齊塞馬夢屢到原鴒世事吳宮艸年華楚
水萍從來堪灑淚郭外是新亭

月下東子安兄奉使將歸

纖月吐簾帷清光到酒卮似分奩鏡影已卜佩刀期桂惜飛花萼荆憐別
樹枝預愁江上夜千里共相思

早春奉東王駕部時聞上書乞休未得

耽寂懷摩詰辭榮學右軍鄉心隨梗泛春思藉蘭薰巴水初消雪巫山尚
掩雲漢家頻遣祀留待碧雞文

吳溪夜泛

湖山西郭外一往一爲情日夕看佳氣雲霞不斷生
野烟隨徑合漁火隔溪明渡口迎歸處猶能認棹聲

早春寄台州王維楨

不見天台吏題書問赤城時
遠花過眼春入鳥關情雅興看霞起離憂向水生爲邦年最少莫惜宦無成

詠虞山倒影

今夜看山色翻從一水中
溪嵐乘月吐巖翠合雲空波淨明霞落雁鴻臨杯挹仙檜星影亂芳叢

夕譙孫氏園亭

金谷猶良夜花源卽往時
承君開別館道客向前池歌散雲輕駐杯長月暗移莫持無限興留作去來思

和子安兄夜坐感秋

北戶鳴蜩集四堂落葉迺自驚
秋興發并入夜情多芳艸萎零露青溪急逝波此時勞憶處萬里見明河

病中聞子約過修和觀

坐憶仙源裏春風爾獨尋桃花別後路芳艸到時心迎杖聞山犬驚帆見
野禽養生如可問念我病方侵

秋日懷王維楨

京國歲華晚江城風雨秋疎聲兼葉度寒色帶雲流羈宦潘生省懷人謝
監樓如何潮落盡猶未下仙舟

登燕磯後仍過清江道院答蔡子

別有清谿勝迴探思不窮易鳴殘雨歇帆落暮潮通關路逢桃徑江花引
桂叢還聞歌水調流響步虛中

子安館中言別遲蔡子不至

今夕西堂燕明朝南浦人雨滋將別淚花黯欲離神燭下停杯久門前嘶
馬頻所期殊未至含意獨誰申

江上曉發

霽曉臨江渡微茫寒霧多無由辨深樹祇自見滄波岸覺帆前是山知磬
裏過平生壯遊地今往奈愁何

秋日偶成

無那文園病秋來獨未蘇江風驚木落簷日惜陰徂拙宦同門限勞生學
戶樞憤憂何以託惟是著潛夫

除父

異鄉逢歲盡一倍旅愁增車從來三署衣香過五陵春晴傳法鼓夜色引
慈燈誰識朝元侶禪樓學老僧

東黃生志淳

作賦渾游洛持書似謁秦長干連大道淮水是通津月下花愁客霜前雁
報人爲君題贈婦惟有素衣塵

送王子亮卿真州訪蔣憲使

歲暮三山路江通一水津舟寒初載雪榻暗舊生塵靜夜聞潮慣荒城落
葉頻懸知蔣詡宅開逕遲幽人

虎丘經司直兄墓

昔是青山路今成白馬泉松塵餘涕後樽酒若生前過客瞻新表鄰僧守
舊田祇嘆春艸宿非復夢池年

邯鄲道

邯鄲臨古道車馬此通津錦瑟空埋恨緇衣易染塵王昌非夢子趙女是才人併逐漳流盡荒臺蔓草春

九日寄子約

時海寇甫戢關河中盜起

漫有登高處兼當望遠何對花驚白髮見雁憶黃河亂後書來少霜前木落多不堪羈宦日同是阻干戈

登赤壁

萬古滄江上清秋赤壁開浴烏知舊渚橫鶴見新臺妙齒瑜非昔雄心操已灰媿無題賦手猶欲記重來已亥歲余謫黃理官嘗游赤壁擬蘇長公製賦一首越甲寅余有滇南之役道復經此欲撰后賦征途未忍聊占短

律

崑山道中延福寺逢琴僧

維舟探野寺取徑度溪橋宿雨鳴才歇寒雲濕未消琴聲入林細幡影隔花遙流水原無着歸心緩落潮

送徐紹卿還洞庭兼訊方子

臨水朝來望翠山西渡人柳情非遠道花恨是殘春
槁澤聊吟楚尋源若
避秦祇應方處士白首共垂綸

鄱陽

鄱口曉來望潯陽路此通頽波銷霸業蔓草沒王官
霧色香壚上秋聲濕
布中禪心與游思并落楓林東

三衢道中

山居無別業民俗半爲農樹杪開山閣溪灣置水春
採薪朝候艇乞火夜
聞鐘歲晏收虛橋猶堪比戶封

景王之藩恭述二首

帝胤宜承序賢王逢啓封珪分勞瘁眷筵別愴慈容地
接荆衡勝人多采
景從行看江漢水何處不朝宗
綺歲占淵識冠年仰令儀邑隣豐起處路卽代來時
桂樹新開逕芙蓉舊
作池寧知飛蓋賞別有望陵思

春日訪大林和尚

投跡入空境看心媿此身
縮巾蒙示結執鏡爲宜
因石壁初消雪筠關久

滅塵坐來花落盡猶自不知春

齒歎

齒錄非余望形衰祇自傷未須論舌在詎是爲唇亡守默渾無語歡歌漸有妨閨中罕靈藥何得似張蒼

感事二首同子約作

長夜猶酣飲平明已見收鷹鷂懷雅志魑魅幸生投勢殆未消日恩疎葉向秋成功自有序不去笑穰侯妨賢應取咎履滿竟成災書上批鱗切辭陳祇憤哀瘴烟蒙萬里風采動三臺獨惜平津館他時但草萊

仲冬對月數宴答子約

冬煖因恒霽宵遊及望舒弓形雲際引桂魄露中疎棲戀鷓鴣後思深懸蛩餘清光能幾度再滿歲將除

子約患臂奉訊

靜攝應無恙塵勞暫有虧才非類擁腫德或似支離燕坐停琴後朝露罷灌時向來觀化意翻訝肘生枝

送于安家之還吉皇陵之中都

天授我高皇龍飛自禹方地曾留巨迹雲每識神光宅
鎬謀應協懷豐意詎忘遂荒湯沐邑因銅鼎湖藏國縣祠官給泉闡烈考
義粉榆無馬鬣松栢有烏翔通孝今王嗣恢圖中葉昌監周興禮樂稽古備
文章觀德崇新廟棲靈狹舊鄉卜工維日吉遐饋侯風將東省推予仲南宮
曰爾良春鄉遙獻節秋水速征航望氣荆塗上登裡汝泗旁御香陳玉梳量幣發金箱
別淚紛鴻雁來歆陟鳳凰故都行欲賦揚旌思何長

廣寒宮登眺

卽遂后洗粧處

寶閣凌霄建珠窗映日開月臨疑桂宇露灑卽銅臺山悉圖峭入池猶象
漢迴倚粧花屢發窺舞易能來傾國元因色勞民豈但財地隨胡運改棟
與美人催殷監良非遠秦宮亦可哀聖朝留故蹟皇覽寔休哉

聞劉子威還自洛陽奉簡

別記殷秋日歸當聿暮時校生游似倦陶令去嫌遲試問山川勝聊陳風
土宜銅臺經故寢金谷展荒祠滯縣猶花發梁園但黍離髣先周作素衣
盡化爲繡余抱傷弓恨君遭按劍疑因聲附張邴久宦欲何爲

暮春雨後病遣

庭閒坐對日仍斜
邑小猶堪早放衙
已過一春纔見燕
乍來微雨亦驚花
桑麻自擬勞民事
桃李何緣競物華
正是茂陵多病骨
好從勾漏覓丹砂
春日感懷因柬子安

平居每憶在長安
却羨雲霄接羽翰
騎馬每從雙鳳出
逢人憑作二龍看
春游西禁纔舒柳
夜直東曹併是蘭
轉盼不堪成往事
誤身翻自笑儒冠
閒居東吳二純叔王二祿之

北山歸臥各風烟
西望長安思惘然
直散聞鶯蘭省畔
朝回飲馬玉河邊
府中盡道逢時少
闕下爭看被服妍
爲憶同游雙鳳侶
啣恩記否十年前
江都代東寄親故

吳鄉遙接楚雲東
潮落寒江一水通
王粲經秋渡淮上
張融累月駐舟中
朝攀桂樹身將隱
夕眺蕪城思不窮
若問官家近時事
積薪惟說後來功
南省齋居

漢家祀典盛如今
幾處郊宮駐輦深
燕月懸知臨太乙
淮流爭得向汾陰
齋居宛記分蘭省
禁衛仍聞集羽林
靜數從臣枚朔輩
同時零落忽傷心

答蔡子木初秋約游之作

官閒似與病相宜，朝謁俱無起獨遲。
禁苑蟬聲移物候，空山木葉報君知。
薄遊丘壑何嘗廢，雅興琴書每自隨。
聞說潘生歸騎省，却因詞賦動秋思。

七月六日訪蔡比部作

中郎身寄白雲司，戶近青山秋早知。
樹下聞琴蟬噪後，花間倒屣客來時。
迢迢榆漢變星待，冉冉蘿陰滿徑垂。
行樂漸宜清夜永，從君秉燭向南皮。

同王子集蔡子館

相逢西府訝初筵，爲語當時一惘然。
戶下鳴蟬頻帶雨，湖邊落木似催年。
人傳台嶽題詩後，客向長沙奉召還。
機事對君渾遣盡，莫嫌爭席主人前。

寄許夔州

城開白帝錦江連，見說仙郎出守年。
虎患已從鄰境去，猿聲偏近郡齋前。
柏如文藻流巴蜀，黃霸功名在潁川。
應是漢庭求吏治，非關相府賤英賢。

周以言黃聖長過我先人城南故居賦詩見示悵然答此

疏公別業倚荒城，三逕蕭條蔓草生。
薛邑臺池今日淚，平泉花石舊時盟。
齋中歲序看駒隙，門外春風換鳥聲。
不是裴羊同過客，題詩那得更傷情。

春暮索居

憊息無能出世塵青山何處可藏身
遊期向子招分處爲報支公待許詢
靜對鶯花思舊事忽驚風雨送殘春
朝來閉戶多相戲猶自含毫擬答賓

歷春官人詞次韻二首

漢官初進美人歌一日春暉到綺羅
漫向玉階啼粉淚試開金篋理粧螺
從登豹豎卿恩甚特賜鸞箋命蕩多
總是相如能獻賦文園歸後奈君何
掖庭諸伴盡承私猶是長門奉帚時
夜月羅幃空白照春風玉簫不教隨
回國舊掩明君貌國朝新傳班女詞
爭得蛾眉無解妬一開金屋寵全移
追昔家居兄弟多燕會聯歌之樂特盛者
如睚飛素於寒朝玩流
光於清夜雪月二編華蕤競美矣
比承慈戚兼值仲祖無復懽悰
聊申慨咏時丁未秋日

細雨吹寒入艸堂蕭蕭落葉間
鳴蜩遊惰病後知因減嘉會年來信不常
東郭雲殘惟有臥西園月在總堪傷
爭酬脫藻誰能賦空使詞林泣謝莊
金陵懷舊

平生踪跡半京畿別去秦淮歲屢違
道上投珠多按劍市中擊筑幾沾衣

寺尋白社僧猶在宅訪青溪客已非莫學隴西逢醉尉夜深愁向蜀亭歸

普德寺

古寺城南訪大朝高臺一望幾蕭條門前黃葉能年暮林外青山覺路遙
塔影常圓沙苑月鐘聲靜帶楚江湖老僧宴坐耽禪定送客何曾過虎橋

送王戶曹權九江守

甘泉獻賦早知名才子爲郎在兩京閣下承符初出守郡中森戟已相迎
空庭廬嶽晴雲色燕坐潯陽江水聲試見古來循吏傳幾人年少寄專城

贈盛秀才

避喧因就辟支禪江左玄風屬少年數借慈燈揮藻賦更從積雪照羣編
潮生靜夜灘聲轉月上空林塔影懸媿我閒來尋白社逢君却在虎溪邊

赴丹陽廣福寺與弟言別

寺在練湖傳爲日光佛靈異而建上

有陸羽第十一茶泉名玉乳云

古寺碑題西晉年澄湖如練倚窗前寒雲白覆金光殿荒草猶埋玉乳泉
楓葉染霜秋後色雨花和梵夜中禪亦知問水同觀世不奈潮聲送客船
淮北寄故園兄楚邦弟

晚使吏役自堪嘆況是人情重別離冰雪寒深南盡地江山風似舊游時
花知吳苑春回早雁憶衡陽信到遲爲說朝中方貴少白頭郎署不相宜
送張尚寶謫淮南轉運

繁華自昔數揚州君去無嗟奪鳳游試訪名花弔隋苑好攀叢桂對淮流
河橋月上開官舍海縣潮迴放客舟年少辟疆猶作吏功成誰復念留侯
答吳純叔夏日卽事

江城五月楓如秋帶雨潮聲咽更流塵滿空梁聞燕語烟銷磴樹見花愁
登樓自可悲雙鬢臨組誰將獻一籌却憶題詩李嘉祐獨綠烽火歎長州
太華寺詠落花

綬幌霑筵各有因長安萬樹總辭春殘粧帶雨猶含泣薄質隨風易損神
信斷御溝爭似葉香消清路不如塵朝逢處女街將獻誕却從前色誤身
聞報紀事

五樓鐘鼓不聞揚三殿同災特異常憑玉須頻罪已詔止車應受直臣章
究心自是安茨室漢祀何能救栢梁遙想千官趨走地却於西內拜君王
寄劉諫議繼

經年尺素未曾題長夏郊居懶自宜北虜塵飛榆塞日西京灰滿柏梁時
中朝望屬陽司諫左掖吟憐杜拾遺定有封章回聖主莫須焚草避人知
武林追憶子安

曾見褰帷向越城非關爲吏厭承明身隨零露朝先盡恨落江湖夜未平
芳草不傳池上夢微花猶繫省中情湖心諸寺闍題遍留取山僧護姓名
錢江夕泛舟人因指括蒼感賦

冬潭寒輕樹未凋丹楓江岸似花饒半帆布影懸初月幾處漁燈點落朝
慢世不將辭賦賣端若何用簡書招白雲東望蒼山路曾記當年誤折腰
聞報

已報旱雲連薊北更看洪水漲江東天高未盡桑林禱河決難成瓠子功
周制備荒儲九載漢家開異策三功小臣亦願輸餘稅却奈歸田歲不豐
早春漫興

春遲今歲因逢閏獨往尋春望賒日午陰屋初散雪夜深微雨乍催花
星橋已見收燈市山郭頻聞覓酒家自是金閨嘉麗地不緣兵火減繁華
王子性舍稽展袁相公墓因有此贈

平津高閣已成丘一道寒泉萬木秋
秘器盡煩遺寵在樵蘇時禁故恩留
碑題黃絹門人撰州積青箱漢使收
非是羊曇行暫誤欲將雙涕洒西州
嚴公解相還豫章追送淞陵作二首

古來開閣自平津幾見功成得奉身
逸老特蒙優詔賜乞骸何用屢書陳
東都飲餞辭供帳南驛乘符運去輪
蹄到宜春酒應熟散金惟欲會鄉人
明時扈聖廿年餘始得街恩謝直廬
秀水池臺非舊築鈴岡花徑是新除
縣家歲給山公粟門巷高懸薛氏車
舟泊吳江秋乍冷野人聊爲獻鱸魚
史子示袁州詩亦賦

聞君獨抱感時心說却袁州恨不禁
華屋春寒無處燕沙隄日暮只啼禽
尚思禍起驂乘晚猶道恩過劍深詩
報茂陵堪下淚莫將吟入雍門琴
有所思

魂去何須夢情來卽是思非緣悵茲
夜讎似恨當時

賦得有所思

錦席承君讌青樓寄妾家無因挽紅
袖留恨與桃花

二月十五夜子浚兄繼讌再賦

再吐金枝燭重開
玉樹花非關曉夜
飲直是春年華
影樓交花艷明珠
滅月輝君能留顧
盼時得素芳菲

西天寺

傍即建國墓

彌勒禪林雨將軍
隴樹烟長安今罷
笑留恨向西天

題美人蕉

帶雨紅粧濕迎風
翠袖翻欲知心不
卷遲暮獨無言

寄侍

遇花思舞夜覩柳
憶顰時可道錢江
上行雲有夢知

楊花水仙

弄影俱宜水飄香
不辨風霞裳承舞
處長在月明中

題茉莉二首

芳密聊承葉蔭輕
易繞枝素華堪餉
鬢爭起晚粧時
香慣臨風細花偏
映日生若將人試
擬小玉定齊名

梅子綰題壁

月明清露下荒臺
木落空山更可哀
夜經常留金碗在
春風曾識翠華來

對月答子浚見見懷諸弟之作

南北何如漢二京
迢迢吳越兩鄉情
謝家樓上清秋月
分作關山幾處明
古意

承恩憐故亦憐
新落葉隨風笑
此身陌上相逢
廝養婦宮中曾是舊才人
進酒詞

芳情慣向歌前結
鬱抱偏從醉後開
何事酒乾銜不放
杯香暗送口脂來
贈金醫

少年學道山長
桑閉戶時窺五色方
漢武甘泉初鑄鼎
好將靈藥獻君王
詠贈髮

寶髻斜安墜馬粧
偷將鸞剪試分香
纏君玉腕夢相憶
底是春心如許長
過北川橋舊寓

客舍依然禁御西
女牆淮月古青溪
春風爲笑堂前燕
門外何曾識馬蹄
寒夜曲四首和子安兄

風吹芳樹已凋殘
却放清暉入画闌
莫道金閨常自煖
夜深翻似玉門寒
淡烟和月出霜林
落盡寒花只素陰
別有闌缸凝彩燭
鑿鑿斜倚照冰心

繡戶深沉半掩門。玉窗愁對月黃昏。閒垂翠帳何曾寐。熏盡金籠總不溫。
年隨流水去。傷神能入風光。一度新何事。蛾眉翠不展。玉顏無伴。相逢春

永興寺散步

帝城西覓古叢林。萬木寒垂六月陰。庭下閒花齊後。偏門前空水定時心。
蔡子木云。庭下閒花二句。可謂詩人之極則矣。

安平元夕對閣客作

邑少絃歌惟戍鼓。村無烟火只漁燈。吳趨綵艷閨珠燦。一樣思歸雨未能。
寄憶

盤江詞三首

江東烽火已難知。亂後邨堪更別離。縱有鄉書傳驛使。開緘不省是何時。
白礪流殘青嶂開。雞公嶺帶夕陽來。更聞江水盤千曲。何似愁腸月九迴。
橫峰夾岸若雲稠。下有飛泉一線流。春艸深時多瘴癘。行人駐馬不堪愁。
松風萬壑引盤渦。聞唱公無此渡河。漢將西征遺壘在。至今啼血染滄波。
奉和子約夏日郊居

炎日遙從瘴嶺還。新開幽徑竹林間。南中六月渾無暑。猶記衙齋對雪山。

十八夜兒斟酒邀諸父待月始陰仍霽

清夜歡遊忽作陰少時斜月復開林倩教絲竹陶餘興莫惜兒曹解此心

夜過張子不值

偶隨明月過君家幽徑無人自落花書帙亂拋青玉案尚餘螢火掛窗紗

次子約答賓

閉戶無營懶自宜逃名漸覺少人知相逢陌上休相問二陸今非入洛時

東子約

東吾達命愛都捐最是憂心易損年頭白達春能幾許且收雙淚向花前

吳文部園中觀鞦韆二首

綵架朱絲盪碧空翩翩雙蝶逐花叢祇知神女能行雨不道仙姬會御風

乍起花間漸出墻只愁人遠但聞香嬌容願倩風爲力故製湘裙特許長

長兄齊中嘗齋白鸚鵡一隻亡後歸之於人

客到花間問主人隔簾先聽語聲頻今來却作鳥衣燕飛向東家別擘春

一皇甫同知濂

濂字子約一字道隆嘉靖甲辰進士除工部都水主事監薪厰買人子納

女于司空依倚爲奸利子約按其罪不少貫司空心啣之推關荆州已往
代案前事內計謫河南布政司理問稍還興化府同知丙辰人覲投劾不
赴里居數年閒居散齋不通賓客少學琴于雲間張氏晚更精詣撰述之
暇鼓琴一二行謂足翫世遺榮也飯心釋氏嘗棲息精廬從名僧檢經說
難離大乘法華內典持誦維摩詰品作妙伽它讚習吐納延化術得黃帝
房中秘方謂可登真度世以交接致病遽卒有水部集二十卷黃德水曰
水部詩意玄詞雅律細調清長于造景務在幽絕山藏水閣披露良多孫
七政曰水部詩清麗罕儷其志意亦復玄曠故其文乃爾悼子兩篇令人
拊心痛絕

赴洛留別華陽兄

浮雲薄高山崇朝去還結游子不憚煩悠悠復但轍密親自茲曠臨流何
能發衰林動遠風寒江冒輕雪遇物隆所悲興愁頓難絕無以赴洛人懷
哉但吟越

有所思行

悵憶山中暮佳期渺未歸靡蕪含露葉楊柳亂烟暉離瑟開塵匣餘香卷

夜衣愁心不及烏猶逐白雲飛

悼子乘二首

肇汝方旣誕發祥良在茲慧敏標弱齡珪璋前期服志遠鄙俗規行多
惠儀性成直純孝療母寧捐軀母患乃始平子先朝露推慈愛二紀中暫
若衝馳虛位委空館胤類無子遺天道苟不處在數安可推沉憂達晨
暮髮髯盈人思翰墨芳餘迹形音悅當時起居常若隨顧影獨無依周遑
損眠食驚惕長分乖魂來或形夢路絕徒哀悲

溟溟雨露集熙熙歲始更靈蠢各有化人理獨無生念我泉下子一絕如
朝榮生男以待終胡爲遽天笑天奪良以速安肯顏仁名清塵布虛室寒
晦凝軒屏宿艸旅庭薦哀烏爲悲鳴悵悵鯉趨日禮訓猶用情流日無存
形涕淚交霑纓惆憂何能已歎息每遺聲堂闈瞻墓迹詩書空復盈奚但
腸九迴心替成頽崩愧乏延陵達無乃傷吾明

吳中先輩盛稱此章皆云水部悼子不減安仁悼亡能叙悲怨

持誦維摩詰品作妙伽它讚四首

敷塗盡種種諸法亦何常菩提植淨本蘊此妙觀方旋輪衆冥息普我無

量光求彼意識界一與頌燈王

意彼空中真畢竟空是疾愛想豈慧攝權解乃善律應觀諸法身生滅孰
虛實願奉饒益情不得起狀淹

馳電非久炬瞥火現青華五通成達仙道品登三車菴羅列寶樹恒河泛
金沙怖礙允都捐是證生者涯

染著悉塵根新故相因續情波無端極苾芻傷自促但弘法苑慈耕佛攝
神足一濟解脫津永冥淨茵蔕

宿昌平

向夕投山界城臨萬壑秋麗譙嵐氣匝殘戍野烟收霜薄低寒雁風長韻
素楸迢迢星斗夜應共古今愁

元真觀

列館成恬曠垂軒坐息機未須人境遠已覺世塵遙鈞密秋生院花殘日
背屏誰將示冲漠予意正忘歸

過陳與竹艸廬

落日衡門下寒客一水開最憊忘世老終愧泣岐才野艸知年事隣輝覺

暮哀誰能聞嗜酒時遣白衣來

真州留別華陽兄

河梁意不盡相送到真州艸木成今別江山是昔遊
各言衰髮客那忍故園秋明發東西恨惟看一水流

行黃石望壺公山

無能屏紛雜聊與問山椒日勢消巒霧江流到海潮
綠柔當社樹紅發向陽翹欲就壺公隱鸞笙誰爲招

尋靜安寺方丈

客思隨幽討僧堂到夕曛晴懸千嶂雨寒抱一丘
雲艸落猶花發山空自鳥群亦知禪寂處秋色轉氛氲

七里隴

入隴澹晨旭舟行夾翠微驚湍墮谿色連山引江霏
水木淹停策雲霞繫客衣從知人去後堪憶在漁磯

離思

愛於人境遠轉與道門親靜得幽探趣閒航逸生
真鶴巢低樹色燕乳落

花塵莫問忘言處明朝是別辰

夏日要王子飲雙松道院

命爾芳樽酌同君物外蹤藥欄華碧艸鶴徑老青松鳥愛留春語雲多人
夏容桃源未可問茲地暫吾從

舟入石湖烟雨成汎

烟色含微雨秋聲起暮濤水行天共遠雲觸岫同高小泛隨漁笠閒情寄
野醪無令懷往事翻益思偏勞

詠梅花

坐惜江南樹春當塞北花叢中澹芳色歌裏逗年華競月宜香泛嬌風恰
影斜佳人正堪憶持此代疎麻

郡中作寄三兄

渺邑罕人事炎天少雁聲林舍丹荔發澤蔓紫蘭生纓露山頭薄淡雲水
上行東菑正堪務南國若爲情感念同驂服吁嗟阻寇兵迢迢思萬里今
夕月還明

春日

歲盡方看老却身更將幽思早驚春東郊節候林端見南國山川鏡裏新
宴賞移時淹醉客笙歌滿路起遊塵亦隨景物消愁寂願得春風長與人

詠園中梅花

上月青陽啓曙暉園梅變臘識春歸花猶並雪凌芳遍葉似含情弄影微
素落機前紈自怯香分袂外鏡堪依由來物序兼愁思一詠何郎欲和稀

詠春雪

去年春色驚寒雪今日當春雪更飛積素似添愁客鬢輕花能過艷陽暉
閑窗落絮翻何劇小苑新梅綻欲稀惟是香臺塵陌上偏教一夜滿芳菲

啓關

長日齋心解息機聊堪經月掩衡扉忘言客難將誰設避地車塵亦自稀
蟬寂松風還易聽雀驚荷露定難依朝來爭席樽相笑却信人間事轉非

周山人詩

詩字以言崑山人風致逸爽側儻重然諾妙於方藥自謂張仲景而下不
能過作內經解鈞致玄旨不蹈前人嘗之京師以詩文遊公卿間少試方
藥皆神驗欲以尚醫官之拂袖而去游武林敝衣匿僧寺中提學孔天胤

自翰林出猶負知詩關岳鄂王廟題壁詩曰何事亦吾壁也命隸人筆墨
掃之至以言詩乃大驚立命駕往謁與定交武林人爭延致以言以言不
慚辭歸與皇甫子浚兄弟善遂主甫氏以言之父諱右與虞山孫艾爲死
友且死屬以言曰常熟可父居居必依孫氏以言不再娶無子老且病辭
甫氏曰先人之所屬也艾之子未具舟逆之遂死孫氏未殮而殯之設木
主臨奠之以時葬孫氏吾谷墓旁東南十步表諸石曰虛巖山人周君墓
子浚銘之曰死生之交諒焉有經千秋百世盟言是徵迄今百有餘年孫
氏之子孫守其盟不替歲時祭焉以言著書多不起州成輒散去皇甫子
安書規之曰以言有聰明之資曠蕩之才而落魄不羈篇章委散惜此奇
寶委諸泥塵以言之齒長矣忽爾浮沉筋力異昔雖欲驅策末路無從僕
知以言後世不知萬年長恨誰任其悔乎今所傳虛岩山人集者子安詒
書後所存而素問箋解卒無傳焉

留別西湖兼柬孔文谷萬鹿園趙龍巖田豫陽童南衡諸君

淹薄武林游重輪忽四望興諧謝客幽跡類同長放崇嶺遙逴紆歷湖泛
澆瀆遵剎詣諸天香臺遍昭曠聊因杯度慈一遣迷津妄臬挹氣冽清洞

歷石攢障側足凌層梯迥與丹霞傍烟綿百雉
聯巖嶠兩峰向曉越吳山
巔觀濤海門上衰莽弔遺墟懷往情亦愴攀踐
匪一途靈異信多狀景物
無遁形微尚自茲暢會心既以玄感來寧弗亮
結侶得應劉調逸每相抗
傾座激懸河芳牋企予仰綢繆林中娛萬事等
飄袂發詠互酬答真賞繇
郢唱凄其徂歲陰日端介征榜踟躕行復留念
此意彌廣斷梗惜臨流撫
膺吐深恨

皇甫子循題云周山人留別西湖一篇尤爲選體之冠婉麗以會景俊逸
以宣情春容以達氣縱筆二百言無一字鬆徑真得古人之髓

春日子浚置酒登盤門城樓縱眺

出游躡城闌聊使殷憂廓迥瞰樓闕重周覽河山錯候禽音尚微初林蔭
猶薄密烟生近堤傾曠濬遠落潛盤狎勝引且復娛斟酌快意當遺形所
在卽丘壑

謁岳鄂王墓

將軍埋骨處過客式英風北伐生前烈南枝死後忠山河戎馬異涕淚古
今同悽斷封丘艸蒼蒼落照中

登金山

絕島中流出蓮宮匝杳茫谷雲通北固津樹隔維揚海色朝看近江聲夜聽長獨憐臨眺者千古逝湯湯

理山避暑竹亭有作見寄次答

阮生能抗俗稽子得長林僻境寂人跡閒窗多易音蒼藤掛朱日短榻臥重陰羨爾忘機事雲山意已深

九山登虞山大石望吳中諸山有懷華陽

茱萸逢今節難折漫爲驪風景登高盡離憂對酒寬林虛殘照人峰遠斷雲攢吳甸蒼茫裏懷人百里看

秋夜對月因懷往歲華陽百泉送理山之荊州至孫騰寺月夜之遊不覺愴然賦此

心斷青天月悠然憶去秋梵宮湖上景良夜故人遊桑柘通依水星河半在舟歡娛回首處荏苒易生愁

白谿篇爲吳子賦

採秀深谿止高人思不窮仙巖迴合裡靈壑杳茫中震澤餘霞接淞陵曲

野通夕沙流素月秋水逗賓鴻花色彌霜鏡漁歌遞遠空一舟沿泛處蕭
灑更誰同

寒夜曲

少年離別不堪言每聽砧聲欲斷魂不是羅幃怨明月向來愁緒怕黃昏

送朱懋道北上

月明愁向此宵多執手河梁意若何千里雲山青不斷片帆何處宿烟波

徐處士繡

繡字紹卿世居吳之洞庭山祖德輝富敵國父天常有游開公子之習以
輕財損其家父卒其母蔡携紹卿依同母弟羽以居所謂九遠先生者也
紹卿少爲諸生受學于其舅氏詩文皆得指授長與黃省曾兄弟善紹卿
少省曾一歲曾顧兄事之初名陵字少卿慕李陵之爲人跌宕自喜時
時從少年爲狎游耽暱倡樂盡廢其產挾策游建業徧攬形勝召秦淮歌
姬命酒劇飲酒酣以往援筆賦詩感歎六代興亡之際高歌長嘯引聲出
蕭寥閒視舉世無如也數射策不中遂弃去晚年食貧喪子一老女寡居
踰年一入城市寄浮屠舍蕭然旅人前所與游者咸逝皇甫子循及張紱

劉鳳掃室布席爭延致之雖篤老繫案牘間雅謔迭奏至漏下卒不倦
間有所不可論辯盡涌意氣勃發堅悍少年弗如也年八十六而卒紹卿
少爲詩與二黃及皇甫子安互相摩切晚而稱同調者則子循與二黃之
子河水姬水也河水稱其詩貴華彩尚標致經管用思愈老愈深吟諷再
三眞實自得子循爲醵金刻其集序而傳之

將歸夫椒泊湖口作

咫尺胥臺路風波滿渡頭鶴情懸碧壘尊思協滄洲柳暗藏歸渚花深引
去舟白雲爲帶處彷彿識仙丘

宿治平寺

曉色投真境精廬一駐車暮山飛靄遍春嶺挂星疎澤近窺汀火溪深宿
夜漁良宵不成寐花月在香港除

江上別盛太學與明

草色汀方綠歸心鬢欲華楚江臨別路春水怨天涯飛絮淒征舳青烟暗
遠沙無勞歌折柳腸斷是清笳

寓棲鳳樓言懷

豈是乘鸞客樓居閱歲華寄情聊翰墨
汀賞但雲霞騎跡牽春草銷顏頰
晚花浮生盡如寓君莫歎無家

游南山循嶺東行稍窮幽勝

隴首酬華囑寒山轉鬱蔥騎林難見日
靈穴易生風帆影滄洲外雞聲綠
樹中何如石門興雲臥趣堪同

宿西莊懷幼子

出郭風烟澹林扉映綠波水迴全作帶
樹古半懸羅月白鴻聲切花寒露
氣多佳游成獨宿長晤惜蹉跎

冬日重過西莊

背郭雲莊淨孤村雁蕩清岸迴沙半出
山遠雪微明艸戶連郊色寒檐傍
竹聲夜深靈籟作宿處本香城

甲子除夕宿魚卿館

旅跡原無定衰情此更加飄零逢歲夜
惆悵宿君家醞筍春生綠風扉雪
度花故園今夕意悽斷若天涯

秋夜山房與堅公

一到東林寺，蹉跎向六年。不將陶令酒，來犯遠公禪。月下寒蟬切，花邊湛露鮮。上方仙梵作，餘響入空烟。

秋日山中寄淳甫

客燈經秋短，離情向暮深。永懷拳馥意，一展涉江心。嶺宿同哀狄，林棲並倦禽。白頭誰故舊，感激爲君吟。

春暮山中重寄張子

烟水途成阻，雲天恨眇然。素書緣病廢，芳艸爲情牽。巖綠飛花後，春寒細雨前。聞君棲墓意，遙贈蓼莪篇。

奉懷子衡司勳二首

郢曲何人理，憐君獨苦心。一官絲鬢盡，萬恨綠樽深。園步攜琴入，山行戴筆尋。有懷良夜永，風露滿雲岑。

寥落空山外，蹉跎暮色催。歲華看逝水，心事見殘灰。蓄意攀花去，含情遲雁來。窮通無可詰，空笑楚臣哀。

秋日山中懷淳甫

舊事游難續，新愁淚易催。人亡收夜燭，歡散徹林杯。顧影俱蕭鬢，尋蹤半

綠苔在山樓暮類宿處嶺猿哀

送淳甫重往白下

遲遲白下棹黯黯寒雲津怨別清江路相看暮髮人客行偏冒霰家在不
逢春長揖郵亭外含情柳色新

山家

山家日翠微澹蕩挹清暉溪水繞門綠巖雲當戶飛夕陽啼鳥盡細雨落
花稀遲暮何知客逢歡便作歸

題鄒氏山居

草戶烟波上林扉碧嶺西柳邊時繫艇花外忽聞雞圃樹繁窗暗山雲度
檻低主人開徑處惟有綠桑蹊

滄浪亭作

窮窵滄波寺玲瓏水上扉綠窗雲竹淨朱戶露花晞魚逸晴偏躍鷗閒晝
不飛東隣精舍近無慮戴星歸

春日結草庵

指引松門路飄飄水上蹊津雲春匝寺灌木盡藏溪苔色終年綠藤花四

月齊歸途餘興緒黃鳥隔林啼

冬日宴何中翰館

乖隔徂年易多岐會面難挂冠辭漢闕避地向江干語別淹宵宴聽歌憶
舊歡霜天情易慘醴綠坐消寒

臘日山居東淳甫

生事同寒鵲冰霜意若何黃金初歲盡白髮暮愁多世慮銷雲楚冥心托
祥羅故人年亦謝良晤惜蹉跎

幼子攜酌南館

避暑南樓暇逢君遲客時綠陰消夏氣清壙野涼颺林密雲歸早溪深月
到遲興闌杯未徹惆悵暝烟滋

寓竹堂寺涼甫攜榼見過

境外歡良晤壺觴戀夕陰暝雲沉碧殿涼雨澹珠林存沒悲前事榮枯愴
暮心一樽仍自惜惆悵別時襟

寄蔣比部

作吏仍兼隱因君憶鎬京白雲籠暑榻紅葉映江城環渚烟中盡平堤画

裏行于公方種德誰不誦佳聲

遊報恩寺

荒畛通雲岫烟蘿敞紺扉
画梁雲氣盡網戶雨絲飛
僧寂鳴鐘罷林荒宿鳥歸
一燈仍自照惆悵戀殘暉

川上晚步

野步斜陽外逶迤度廣廬
荻花明翠渚雲葉散華天
水列含霜氣山青帶暮烟
正逢同稼日春酒興相牽

春日登灣上水樓

心賞歡同調聊成假日遊
暮窗紆翠岫春檻抱滄流
無緣烟催暝花寒雨作愁
紅芳坐來歇登處且消憂

傷黃淳甫

在世同行客君歸莫怨先
夜臺多綺歲朝露少華顛
竹下今傷寂花前昔記眠
莫教隣笛奏懷舊易潸然

山樓臥病喜清甫見過

疾積懷生慮門閑笑客稀
爲樓聊暇日隱几但清暉
酒氣凌花架厨烟出

翠微朱顏猶自渥且莫戀羅衣

徐錦衣西園

石磴援蘿陟房櫳曲徑通嬌鶯穿玉樹晴蝶戲芳叢竹密難分曙松疎易入風出門迷路曾回首戀春紅

花朝前一日對雪

仲月花晨逼飛霰點綠蘋紅芳一夜變玉樹幾枝新
仁監渾疑臘當杯半助春素華消處盡應避豔陽辰

過東湖寺清甫舊寓

物外生寥沈精廬儼翠微案塵收蠹簡院靜掩螢扉
朗月思玄度清言阻暮威陳蹤那可卽回首恨烟霏

避暑東湖寺

物外尋真境雲標磬梵宮綠沉消夏氣紅艷奪春工
嶺色含朝旭巖聲亂夕空坐來林月上涼思滿房櫳

哭白下沈山人鎮卿

分手渾如昨生離已十年何期從物化天畔忽潛然
酒伴悽朝露花情憶

夜絃無由仰挂劍拜手酌蒼烟

歸次曲阿作

曲阿城外草萋萋匹馬東歸日正西
亂後客身無可寄
春深鄉思轉成悽
愁中燕子驚新社夢裏桃花識舊蹊
莫向行途歌不具
青山茅屋任君棲

寓妙隱庵

東風仙苑翻芳菲家在雲林屢夢歸
河畔草青鶯欲語城南花滿蝶初飛
寒生古院偏多雨苔沒空堦正掩扉
留戀曲池春更好垂楊終日瑣烟霏

雲陽道中

雲陽郭外曉氤氳飛鞚連翩正逐群
天際楚山春易靄雲中江樹曙難分
鄉心更值風花暮旅跡頻驚陌草薰
欲向龍頭聊駐馬啼鶯深處不堪聞

叔貽臥病家園詩以代訊

聞君抱病謝塵蹤歸臥鄉園綠嶼中
水曲更憐藏別島花深偏愛隱房櫳
仙芝出地俱成餌琪樹爲林半是叢
最憶夜分紅燭靜朱簾垂處月朧朧

送陸甥綬適淮陰

征帆耿耿去江濱千里垂楊暗綠津
乳燕不堪臨別酒落花偏自送離人

淮陰尚說王孫市楚水空流故國春荒戍角聲愁暮起夕陽時節易沾巾
黃舉人魯曾

魯曾字得之正德丙子舉於鄉以易魁其經十五年而弟省曾字勉之亦
以春秋首舉勉之一再試不利輒棄去爲古學而得之與中表皇甫冲海
鹽王文祿老于公車分宜聞三生才以困欲招致之不能得也勉之卒又
十五年得之年七十五治裝將北行屬疾而卒得之長身修髯狀貌類河
朔大俠父授產千金悉以寘書其學無所不窺勉之北面事空同重染北
學得之詞必已出不欲寄人籬下亦徃徃希風李何於甫氏兄弟爲外昆
故甫氏之少學得之汝南居多而後乃屢遷焉得之詩多散佚其子德水
字清甫撰國華集取所傳誦者數篇余采之以附四甫之後勉之集盛傳
於世以其學空同之學也次於李氏門徒之列不令與諸甫齒示別裁之
微指云清甫詩附見于後

肺病

肺病因何劇龍蛇久背時小槽誰貰酒弱翰漫題詩貴轍過難結仙舟載
已遲春來花鳥意獨飲向茅茨

見鸚鵡有赤色者迷賦

珍翮丹砂耀瑰穎赤玉輝如能解羈紲還並口鳥飛

用見黃德水字清甫初名河水

賣花篇

日南氣候天下奇四序皆如三月時
幽風設賦爲裴什越俗空傳采葛詩
泉甘土沃山川美長日花開爛於綺
不論秋去有蘭蓀寧獨春來盛桃李
初景瞳眬萬戶開契童駱驛賣花來
一筐新葢朝纔摘數種奇葩歲自栽
曲房小閣開粧篋紫貝青蛱走輕羅
若箇簾前非墮英誰家門外無殘葉
參珠間玉闌光輝踏青拾翠弄芳菲
花房賸有瑤臺露滴盡儂家金縷衣

疑塚

英雄事去貌難徵疑塚紛紛半已崩
試問當時銅雀妓定將若箇當西陵

過偏橋

雨夕復風晨長途任此身前行去已遠
孤客覓何親山陰天藏路溪寒馬
嘶人旅懷欲有訴紆軫不堪陳

四十八渡

武溪多野步一日四十八入水人腰寒登崖馬蹄滑

姜布表玄

玄字玄仲吳江人少博學嗜酒不就博士弟子試與邢麗文游慕好之居
于湖濱足未嘗輕詣人或使其子弟學焉亦時謝遣之朝起視盥中冓稍
可炊即閉戶吟誦歲中所過相善者率不出百里晚年善黃魯曾徐緯魯
曾益師事徐姜也徐詩尚華美姜務雅澹極意陶鍊每成一詩輒復捐去
著思再三芒藻幾盡不爲時流所知或諷其少貶執道愈堅以知希爲得
蓋亦詩家之逸民也秋夜讀書詩云含莊洞理化涉老達虛無玄珠握中
照道心益恬愉可想見其托寄矣魯曾之子德水撰國華集載玄詩五篇
玄之名得附以傳

雜詩

諷討窮修暑頗悅古人情周楚先河濫漢晉浩波橫吐吞烟霞混組繡陽
森生妙化猶九轉巧拙非一程隋侯白朗瑩和氏自溫明既使領顛競又
俾魚目爭所以絕琴者千載不復鳴

郊居感興

續歲造明代於陵老灌園諸林同桂隱湖水即桃源賢聖多杯土神仙少
或門達生無二術惟有對芳尊

早春吳淞江小汎

江邊頭白老爲漁手弄蓮舟任所如不盡香風吹碧杜兩山橫黛夕陽初
蔡侍郎汝楠

汝楠字子木德清人嘉靖壬辰進士年十八除行人遷南京刑部郎出守
衡州歷江西參政山東按察使兵部侍郎改南京工部同安洪朝選云蔡
白石弱冠卽以詩聞初學六朝卽似六朝既而學劉長卿最後又學陶韋
唐應德云白石詩洗盡鉛華獨存本質幽玄雅澹一變而得古作者之精
蓋嘉靖初唐應德陳東之反北郡之弊變爲初唐之體至是乃稍變爲中
唐而子木之風調得之皇甫兄弟漸靡者居多王元美在比部子木以臬
副入長安酒間高歌其蕪州諸詠吳明卿輒軒寢軒聲與歌聲相上下元
美謂子木少年雅慕建安晚始陶洗攻錢劉索然易盡而又極詆吳人皇
甫氏黃氏以爲如倚門之妓施鉛粉強盼笑則一時風尚互相凌轢可以
想見厥後王李之業盛行蔡氏甫氏不啻退次三舍百年之際烟消而論

定向之抑沒者乃復稍稍表見文章有定價豈不信哉黃德水曰子木登第最早服官留都與皇甫昆仲唱和雅有令譽送別登臨佳句未嘗不在人口既而官僻日尊詩格日損必窮乃工豈其然耶無錫顧玄緯曰子木詩出楊用修所選者爲藝林珍賞晚年率易應酬如出兩手

舟行雜詩三首

華候熙春陽客行賈已久林驚轉月營岸密稍雲柳徂心度停舸蓬顏照光藪幸采韻音多歌風盡杯酒

昨攬荊州莽今宿文陽陂遙天收密雨平隰茂春英分泉臨渡咽愁雲出岫離載彈山水曲坐結孤絃悲

揚帆平海波繫纜長江浦清眺倦水旅春心寄芳樹風傳女媧歌潮送馮夷鼓行跡方滯淫卜居問三楚

荊州雜詩七首

南皮駕未返西園歲欲周王門雖巨麗羈旅歎飛浮將因曠望去乘風汎新秋路出龍山館帆經鶴澤洲名都昔信美曠蹟今安求高亮垂新草烟沙拂古丘絳情會蕭瑟歸步寒淹留傷心不可繼西日臨江流春官弭關

鷓鴣俄項慰孤遊，翻海離晴蓋空雲。結重樓玉尊如未暮，金瑟堪娛憂
霜風初應候，蘭芷滄無滋。暮心依澤渚，曉駕阻江岐。地迴連山渺，天長絕
雁遲。蒼梧望君處，挾瑟應靈妃。

迢遙樂平境，寥泚瀟湘空。日月光相照，蘭椒氣未窮。大招三楚內，餘怨九
秋中。微有懷忠賦，誰當繼國風。

雨氣餘三峽，雲彩藏孤臺。彫旗傚暮野，綺席憚春杯。神仙度影盡，年歲浮
心摧。噉噉巴猿響，疑爲楚王哀。君門今曠久，佳人寧再來。

巉岳蒙山路，威紆澗嶺斜。池光疑秋月，泉聲代春華。寒溪聚瑤葉，淺徑縈
金沙。灑然坐相望，高亭流水霞。

三楚多秀士，著劍復開離。陪鑒一杜觀，解佩七星池。芳流戲綠芷，平路結
青驪。時進雄風賦，還承暮雨祠。絃歌未解已，原野動旌旗。秦師帶百萬，吳
國矚安危。夷陵旣已燬，郢城詎能支。在昔承歡豫，聯組蔭光儀。一朝陷兵
氣，王室忽如遺。至今嗟百士，如何勿三思。

故宅曲沱隈，荒烟南浦外。嵐氣蒙重林，空江飄萬嶺。遠行自慘慄，適與悲
愁會。緒思旣已興，前忠復云邁。寧惜凋蕙蘭，言傷雜蕭艾。九辨且勿申，聊

遺愁心泰

安陵春夕

乘舟竟綿澤，弭楫次齊關。嘿聽喧春鳥，晴看疊暮山。曲洲饒秀樹，別渚聚芳艸。他鄉時已茂，游人殊未還。

卽事貽儀部皇甫員外

三稔別知己，一言殊未申。誰謂同京邑，猶復阻風神。松雲含鳳露，花日映游塵。西曹有嘉樹，悵隔南宮春。

退食園亭效韋刺史

崇朝署宇罷，退食坐園廬。春草堦下歇，夏花樹底疎。推窗玩幽鳥，汲水灌嘉蔬。卽此爲邦處，亦似北山居。

和皇甫子循送兄赴浙中

共向青門餞，誰爲棠杖歌。與君零落後，仍苦別離多。鴻雁分岐路，風波汜曲河。傳詩惠連日，莫不寄竿何。

初上讀書樓

一倚層樓上，風烟自曲阿。山晴俱入牖，月濕迥臨河。散帙流螢落，吟秋早

雁過無端見鄉樹却憶別年多

山中立夏卽事

一樽閒首夏獨對落花飛幽僻還聞鳥清和未換衣綠幃槐影合香飯藥
南肥盡日柴關啟蠶家過客稀

烏戍唐氏林亭

訪舊烏溪畔空林別戍閒鑿池通暗水移石壘高山微雨秋雲後疎花夕
照閒平生愛幽寂於此欲忘還

報恩寺塔

寶塔中天構君王莫鎬年皇圖香界合海氣鳳樓懸萬嶺開江左千門倚
日邊南山留作鎮長見法輪圓

觀音山閣

沙畔石縱橫廻流向玉京遊人望遠至高閣幾年成落檻青山色邊江細
雨聲乘舟何處客正及海潮平

送陳郎中出守廣州

戀別南州守聊爲越客吟三江看雁盡五嶺入雲深風氣通蠻落人烟接

海陰炎方將帝命併切飲冰心

九日登高

楚洲寒意動忽感授衣天白雁投斜日黃花隱暮烟秋殘風雨後發改滯
留年鄉思東籬畔江流爲我傳

題峴山濟公房

禪榻澄湖上山光似鏡中疎鐘遙落葉細雨帶秋蟲降竹虛窗映爐香別
院通何期碧雲合一酌對休公

晚過施子

霽景開芳讌樽前落晚霞蟬聲經雨斷鳥道入風斜幽徑過求仲青山近
謝家相看江上客共惜九秋花

寄華鴻山學士

知君謝朝謁山水賦尤工才邁雕龍客心齊失馬翁烟霞留戶內花竹隱
牆東莫道風流意如今異洛中

自瑞洪泝江入信州

暫得辭文牒虛窗西舫開江趨鄱口落山向信州來接樹迷帆人殘鶯頌

夢回無人共登眺翹首越王臺

初至大梁題撫院壁

祗役初紆覽茲方信鉅藩詞人在梁苑俠客近夷門水勢神河莫花枝狀
樹繁兩京聯絡處何以固中原

紫薇官行祈祝禮

行趨紫薇閣嚴是北辰居顙氣通王屋玄風徹禁虛神祇猶望幸雲雨爲
前驅將命叨成禮端章扣玉虛

奉和皇甫百泉玄武湖供事

解說澄湖上高齋擬石梁九州分職貫萬戶入圖書常侍傳符後郎官對
草餘綈緗隨處滿人吏此中疎積水神龍澤青蓮太一居易啼喧靜院雲
煖護幽墟式重恩周典先收憶漢初不知供事日仰止意何如

遊徐公子西園

西園飛蓋月中遊隨意登攀自可留門徑近連馳道樹池塘遙接漢宮流
坐看虛闕明朱幘行見深松間畫樓一自王孫開別第鳳臺花鳥不知秋

自題前山草堂

草堂舊結北山阿。逋客還家治薜蘿。逸院松林嵐翠重。滿庭蕉葉雨聲多。
清博自對蕤花發。高枕無如啼鳥何。若道世情堪澹處。門前終日俯滄波。
正月三日同諸公蔣祠遊讌

半山亭樹影參差。帝里風烟開古祠。芳社自宜彭澤酒。後湖兼厭習家池。
壇前松列停雲蓋。巖曲梅抽帶雪枝。五月卽看遲景麗。陽春已入郢歌詞。
答岑山人見問

問余何事謝京華。遠向南州寄一家。興似步兵緣嗜酒。地如勾漏爲丹砂。
楓看江上三秋葉。荷挹湖中幾度花。欲識此來兼吏隱。抱關仍得傍烟霞。
高座寺

雲公臺榭至今留。休暇追隨訪古遊。秋色總歸紅葉寺。楚江還見白蘋洲。
松林月上言彌靜。閣道鐘殘思轉幽。莫訝爲郎貪佛日。官閒禪定兩悠悠。
行後回新池

後園鑿沼愛漣漪。日日行園人不知。浴鳥參差雲宿處。戲魚來往芰搖時。
晚依巖岫分寒翠。秋入芙蓉映倒枝。最是一泓清興足。五湖情事寄臨池。
山中書齋偶題

一蓬初服謝朱轡自愛吾廬堪避喧
書爲側囊收萬卷玄因拙宦艸千言
院中流水鳴殘雨窗裏青山近小園
已覺林丘容嬾慢更看風物滿前軒
哭皇甫子安

與君閣下共彈冠翰墨筵中更結歡
五字沉吟詩品絕一官憔悴世途難
清琴欲鼓含愁斷短札猶存掩淚看
詞客招魂終渺邈獨慙作誄似潘安
東施廣文

自覺外臣還舊里客來稀甚艸堂閒
乍逢野老頻呼酒慣學禪家獨閉關
樹近書帷雲冉冉溪喧人語水潺潺
廣文肯枉籃輿過五柳門前且看山
秋山積雨

湖烟漠漠草蕭蕭湖上柴關正寂寥
絡緯吟愁連蟋蟀梧桐滴雨間芭蕉
家園病肺誰相問僻地驚秋不自聊
獨有沙鷗爲伴侶且將心跡混漁樵
游南嶽二首

萬里清秋望楚疆郢中潛邸協靈昌
形連交桂炎荒外星應幾衛北極傍
岳郡自憐依寶地帝鄉猶似近龍光
寧知桂代浮湘客江畔離居怨碧芳
曉晴已到開雲處晝靜疑聞鼓瑟歌
湘水英靈終縹緲潮陽道路此經過

別朝詩集下四

乍辭出郭塵喧斷翻爲登山感慨多更道秋風破南極歲稔朱鳳欲如何
送何縣令赴東莞

何君標格冠衡陽官應星辰近拜郎
玉錦暫還湘水曲腰章言赴粵人鄉
萼麻接室公庭靜茉莉編離別院香
一片冰心向南海誰知嶺表是炎方
過內弟城原順新築祠堂留題

外家庭玉最相憐
父客今來思惘然
院裏看花新築後
壁間題字幾秋前
親知送遠難爲別
薄宦懷歸豈待年
留取清泉初釀酒
春風還擬泛湖船
赴蜀初發明齊南石諸君相送溪上

辭余萬里向川西
薄暮攜舟泛雪溪
秋霽尚看鄉月近
風鳴已憶峽猿啼
陳情欲疏同鳥易
奉使聊因訪碧鷄
那得回車東下日
相迎還復幾人齊
途中別舍弟汝言

年來已厭遠行游
新命嚴程敢自由
江上那堪玄雁斷
山頭猶見白雲浮
鄉心蜀國聞鶉語
時態蠻鄉看峽流
弟且還家報兄好
歸期定不過明秋
發錦官後江行紀興

素林綠縹午雲稠
萬里歸人下益州
桃雨正看相逐去
鶉啼從此不須愁

輕舟迅速沿中溜勝地經過卽上游計日峽東霞外水天一色接江洲

督兵後還省發吉州

勞師久駐碧江濱白鷺青螺證昔聞已掛埭心行省月尚餘游興隔洲雲
曲灘楓葉迴漁棹兩岸蘆花叶雁群堪歎清波照塵綬關山羽檄轉紛紛

同瞿星谷瞿紫山黃星池遊岳麓書院

紫蓋千盤山轉幽還分嶽色繞潭州朱張院啓松陰靜屈賈臺連岸月秋
泉折九迴埭洞壑峰開一面見江流官程且逐開行伴肯信吾能盡日遊
自岳陽泛舟下武昌呈姚嚴二使君

炎天征路洞湖邊聯駐油幢訪洞仙徒從便隨漁客棹烟波誰認使君船
鴨欄落水沙痕出魚浦濃陰樹影連行望江樓黃鶴近白雲如待意悠然
癸亥暮秋遣祀山陵恭覽七陵御寢二首

帝城佳氣五陵通路轉紅門望鬱蔥秘室孝緣時省薦清班禮視月遊崇
金莖幾樹垂甘露繡嶺千重障朔風職領熊羆看宿衛萬年長守翠微宮
燕山昭代玉輿臨處處園林抱碧岑曲磴蒼梧萬盤路秋天白露九重心
嚴開御帳重葺外地苗靈芝寢殿陰竊覩遺臣止損幹諸陵培植栢森森

小橋道中卽事

茅茨帶壑兩三家火種人歸石徑斜行值深山小春候女郎祠下半巖花
將出峽立夏前作

蜀江雲裏喚鉤輈幾片殘花萬樹稠未換征衣逢入夏一年春事在行舟
過古寨口

女蘿垂壁翠屏開水落空營雨滴苔征客漫愁城路濕蜀山返照向關來

王九江廷幹

廷幹字維楨涇縣人嘉靖壬辰進士除行人南刑部主事出爲郡佐遷戶
部員外郎官止九江知府皇甫子安在留署與相倡酬繼楨以戶曹權算
浙關子循上大司徒論止云廷幹與趙郡蔡汝楠並以弱齡漸翼鴻遠雙
驅麗采馳聲藝苑雖終賈復作蘇駘再生茂以加焉其爲當時民譽如此

天壽山行宮

天旆三春發離宮四月開觀河懷禹跡問野見周才日氣生高嶺雲陰拂
翠臺太平叨扈從文雅愧郗枚

春雨登樓

步中興客屬年華江上國流勝習
施青州峻

峻字平叔靖安人嘉靖乙未進士授南京刑部主事歷郎中山知青州府
以內計罷官張文隱深惜之有蘊川詩集八卷時推其七言今體謂可方
唐應德云平叔以詩自重在僚友間矢口彈射人不能堪既出守復桂村
典以此故也家居樓樓如斗典籍甚具暑之曰甲秀非同湖不與登歌詩
歡飲以終其身每笑曰生平無病強半病醒其卒以是死乎果如其言

林臥東方外友

空齋寂寞對青山佳樹叢深好奇攀南嶽先生勾曲去東林長老沃洲還
蜩蟻露柳聲偏咽蝶繞晴花影自閒踈懶能令相識遠孤雲獨鶴水邊

野老

野老攜觴時款門農談兼得叙寒溫藥欄當午蜂偏亂釣檻平溪水不渾
身隱沒勞名太著齒剛爭得舌長存秋風落日頻鷄黍醉臥康衢長子孫
次宋石樓春日過訪作

停雲脉脉對春杯宋玉招尋此日來屋矮坐看書接棟溪平行愛水生苔

河橋細雨初泊山郭寒烟梅半開萬里心期空歲暮潛夫翻愧黑頭回
過南郭野寺

休沐出南郭尋僧一扣關孤燈燭白晝疎磬滿秋山東帶經年苦看雲盡
日間齊廚清供罷驚鵲欲飛還

石居

何年此卜居一徑入幽虛隱几青山近焚香世事疎庭廡過別院松子落
前除我欲爲隣舍同看種樹書

倚樓東徐長谷

倚樓極目思無涯溪上幽居似浣花未信年華欺客異也知春色到隣家
柳塘汗漫生新水桃徑參差疊綠紗
寓雲居得張龍湖相公詩

精舍岩巖隔翠微我來便覺世情違疎燈照雨簷花落短晷辭風木葉稀
白雁虛疑千里信青山容得幾人歸詩成正在鐘鳴後獨立空庭掩舊衣
侯布政一元

一元字聖舉樂清人嘉靖戊戌進士

和蔡白石湖上晚眺

赴省鷄棲後看山立馬時夕烟澹秋水寒鵲附空枝拙宦頭堪白鄉心夢
獨知猶聞歌雅調不似越聲悲

寄石屋

一枝棲已定舊業未全貧白水連三畝青山作四隣
易垂披古篆牛馬應時人獨愛林間月無由寄許詢

夜渡甌江

曉色度歸橈長風動次寥漸藏江岫月正落海門潮委運同飄瓦全生學
繚蕭江湖易成夢領欲謝清朝

朱射陂閨人限韻

淮南遠樹江南信玉飭先隨玉管揮一病經春殘豆蔻亂紅如雨恨芳菲
光同滿月疑星入暈學丹霞有鶯飛帳殿却愁生會面煩君猶辯是耶非

附見侯一塵

字彙聯珠集之弟有龍門集

和家兄南塘樓居書懷

人意各有適自得貴不違潛軋本淵媚冥鴻入雲飛自是愛芳艸非關蕪

紫微南塘山水清可以築釣磯曠野一登樓背村四作圍出郊甘離索高
齋保玄虛日夜起棹歌處處見樵漁野老多農語東隣聞讀書避地翻近
人臨潭非羨魚當知陶晏意莫必隱市居

行路難

君不見車氏假字同嚙異良堪嗟又不足涯子衣紡績寧顧禪緇非勢利
自昔等如斯何但今人心術移乃知把握亦徒爾對面芙蓉荆棘裏寂寞
休看出岫雲榮華但付東流水

吳參議子孝

子孝字純叔長洲人文端公一鵬之子也選翰林庶吉士出爲工部主事
歷光祿寺丞遷湖廣參議提督太和山子孝特侍文端公命賦傀儡中
婦人應口成詩坐客絕倒議論秀發手不釋卷爲文章弘衍浩博玉函堂
稿十卷皇甫子循點定摘其佳句數十聯以爲無謝英靈常病宋史繁蕪
欲加刪潤藁未就而卒

送張山人徵伯歸櫛李

失路誰相念思家自不禁吹簫江市伴爭場旅人心釣之王孫飯遊窮季

子金有才常不違婦人白雲深

送陸別駕之安州

作吏本王畿盧溝葉亂飛秋風吹易水寒雨灑征衣
戍火降邊障原霜見
佩國陸機吟興好還喜簿書稀

送郊薦和奉使東萊

上宰承周鼎王官抱楚才堂封紫詔下鏡吹錦帆開
海汭魚龍夜仙官日
月登相如謗負弩旂節幾時迴

初春過張子言

青管峙海嶠寂寞子雲居大隱非人外微言乃道初
蘭蕙朱閤小花氣玉
琴虛白石饑堪飯逢君意不疎

玄寧觀夜集贈張子言

我不能奮身霄漢舉蛟龍手攬日月登玄宮揚帆浩
汎泛滄海玉芝若木
空相待燕京散離誰與憐拜趨公府心欲穿桂薪玉
粟銷爭場廐馬青衫
愁著鞭虎類張侯鬣半雪綺裘纈帶腰環玦勝迹田
生蕪市豪藏名管子
蓬東築斗酒夜過玄寧觀接劍悲歌耳雙熱酒酣樂
極氣益振振投瓊角勝

雄三軍六綽的嶺真堪羨花轉瑤盤走朱電勢窮一叱顏色同星爛暉疑
鬼神變滿堂大笑冠絕纓纓鶴翻令肝胆驚張侯賀我浮玉觥臨筵交酌
了不爭嗚呼人生得喪何學辱世事紛紛易翻覆塞叟底須憂失馬鄭圃
焉知夢分鹿下堂罷酒客復醒春月皎皎河漢清明朝却出鄆鄆道回首
徒含郭隗情

清明與孫都督伯臬出郊遊迎思隆禪二寺觀鄆尚書園池

將軍宿衛未央下歲晚不知春艸長連鋌出郭天氣好細雨浮雲合日光
清明花柳榮婀娜士女分明艸間坐陌綏遊人行不息烟深好鳥啼相和
石杠流水帝壇東玉岫蒼松佛宮左遠遊再入古道場只葉塵生空影堂
日午鳴鐘看禮塔當年飛鞚憶穿楊漢家諸將誰第一共說將軍勇無敵
胸中禮樂輕儒生四海承平難請纓金馬棲遲還落魄與子閒行寫心臆
勲業常憐髀肉生龍鍾却道傍人惜人生不樂奈老何君不見今日山丘
昨朱戟鄭園池咽鳴蛙多碧桃欲開羅薛蘿美酒何時對瓊瑟壺壺鼓缺
聞高歌

閏居懷袁儀部補之時袁抱病

空庭戰淒寒日下高原雖家北闕下白雲常滿閭風弄琴張靜池昏易
語喧茂陵方請告怕憶奉清言

臥疾聚桂園

乍違冥景臨已驚玄髮素豈伊蒲柳姿猶奉金門步紫殿懸華綬淒風灑
官樹遠嬰採薪憂具臣曠天務自省玄尚白還嗟時漸暮初旭偃荆扉山
樊淡輕霽行藥循方池寒波欲成沍感茲日月流苦爲簪組誤墟菊挺殘
英庭松悅零露負暄有深懷飲冰非前懼棲遲此中固彌賤紛華旌

橘溪僧院

蟬聲不出寺鐘斷祇聞香流水迷松逕閒雲滿石林無言忘寂莫宴坐得
清涼欲謝人間事冥心叩藥王

次韻答衡山

積雨新添曉漲深忘機終日狎沙禽臨流欲濯纓無垢繫纒頻移樹有陰
罷釣舟閒橫極浦乞齋僧去下空林山花盡發山翁笑山外黃鸝迷好音

孫處士艾

太學七政

艾字世節常熟人父爲考功郎家貲鉅萬世節任俠父喪致十郡客來吊

蓋傾其家學詩于沈啓南與周以言皇甫兄弟最善以言歿世節之子未
聖之於吾谷從先志也來之子七政字齊之能詩好客世其家風十試鑽
院不第家有園池日與四方詞客賦詩宴賞客醉而遊湖厚其水出諸城
外復引陞水滌之累費數百金家中落有三子而才雲間張長與通訪命
三子卽席賦詩仲子森得燬字有但攜明月去猶似別時燈之句長輿摩
頂激賞作長歌以記之森與余偕舉丙午伯子之二子皆成進士齊之有
滄浪生自傳及松韻堂集十二卷齊之之論詩曰吳中自迪功以後皇甫
兄弟競真而司直公尤卓絕世皆以禪棲匹東覽不知東覽高處不但格
力正以其神情曠絕會心霞表當與古人相埒此正司勳所深讓讀司直
詩不知司直之難試以今人極得意詩誦過更讀子安詩却令人真然自
失然後知司直之高正如月出蓬萊聞島中豈人世風光所擬余有族伯
父審言字仲思世節之外曾孫也余羈貫時嘗語余曰少以父執侍司直
兄弟聞其論五言詩以猿啼洞庭樹人在水蘭舟爲妙境自七子盛行知
此者鮮矣用是知先輩學有師承苦心孤詣非苟然成名于世者齊之之
論司直蓋其先世風氣熏習得之於見聞者情且確也余錄孫氏詩附于

甫氏之後俾世之嗤點前賢者知所省焉

和皇甫子浚韻送周以言

有客今朝別無家何處還
臨梅頻望寄衰柳不勝攀
江漢漣高節乾坤亦厚顏
故人如問及雙鬢已成斑

和石田翁落花詩次韻

以下太學七政詩

欲賞須當趁新新
起來只恐墮芳塵
還輸連夜追遊者
孤負明朝早起人
委地不收空伴月
招魂何在併傷春
兒童戲折心猶怪
雨妬風欺莫可嗔

寄懷禹錫阿咸僑寓百花洲上

蕭然窮巷一茅廬
却喜頻廻長者車
避地不忘梅福隱
移家還傍伯通居
春風洲上花猶發
夜月門前柳自疎
若憶嗣宗長嘯處
豈堪回首重踟躇

春盡日閑書

正愁春去對春風
忽聽鶯啼碧樹叢
無數飛花向簾幕
將愁盡入一聲中

關山月二首

關山片月起
含秋萬古長
懸青海頭愁
殺清光照沙磧
秦時白骨未曾收
古塞蕭蕭白
舛駢漢家營
裏月光輝
可憐空學蛾眉影
夜夜關山照鐵衣

玉關志

紫塞黃雲萬里間征夫一望總消潛今古沙塢惟白骨幾人生入玉門關

鄧舉人跋

觀字文度其先華亭人元季徙常熟中正德丁卯鄉薦母死遂不上公車以通經博古爲學嘗傲呂成公大事記論次古今得失類成卷帙曰如有用我執此以往年八十八而卒詩學得黎東坡不屑時調爲文有體要陸子餘歸熙甫皆稱之嘗與客論文曰噫嘻文之敝久矣文莫粹于經聖賢以其精蘊而形諸辭辭可以已聖賢必無事于作作焉者不得已也誠知聖賢之文不得已而作則文非載道而該治具勸戒可以無作聖賢志之所至而其文出所謂浩博而純正者言之必有倫而不苟陳之于世燦然若引星辰而上也其無所不究賢者識其大不賢者識其小烏有支離泛濫詭妄放蕩而不宅于理者乎三代而下放臣棄婦之辭讀之尤足以興感者性情也今之爲文者無古人之性情與其所遇之時事辭與意背以諛爲恭以奉爲約導後歸怨悲樂之無度浮濫而無法語暢也而實迷語工也而無度人言西京之文近乎古不知壞古人文者楊子諸人有責指

余錄而存之以見前輩有本之學如此

致道觀七星檜

琳宮何處巖龕裏氣凌青蒼中有古檜樹傳植自蕭梁歲遠四樹存如斗酌
天漿東株聳而老麕脣補其亡中株蘆瑤壇少日嬉其旁耕動手可撼鐵
挂鎖蛟偕今已剪不遺彼虫盜其香兩株在東南偃蓋覆修廊攢枝細而
密葉聚如針芒擁挺折三本糾結連肺腸龍也方出海扶以子母將兩株
在西南亦立膚無霜偃蹇捎殿角督力示堅強龍也得雲霧攫攫不復翔
六子莫囚鎖帝招造巫陽北株最怪異不與群木行質幹盡屈鐵大矯互
低昂辨葉知乃樹尋柯惑其方衆視興怪歎應接不得遑乍疑古蚩尤蒼
力抗軒黃拓臂運五兵有徒實跳踉勁者髣脫枯弯者弧方張橫者奔掣
舞堅者操矛鏘何乃大小柯廉介如斧螳怒虬拔山出隱霧勢騰驤理斷
一絲續膚削流乳肪我語非強聒細視乃知詳四檜皆左紐玉晨遠相望
霽晴亦慘黯昏黑常晶光仙真護訶久山鬼憑藉長至今空翠表劍佩時
將將蜀廟青銅栢涿郡羽葆乘圓經儼封殖況我桑梓鄉入景星月夜清
嘆徹虛皇移酒與檜飲風露襲綃裳石田寫東樹高詞振琳瑯遺墨付好

事烟姿漲雲房我詩豈堪寫傳之起謠張錄詩冠巨圖尚與繪作堂

雷殿面壁

藝苑有精能凝神始臻理筆端具天人難以茫昧擬致道古像都山水麗
清美雷宮設像面種種盡其技画得宋名手善造天神鬼淳古出道邊意
態得深肯左壁挾風雲沙礫捲空起有神操火具怒目流傳視常其炳所
及妖魃湯無址右壁已淋落雲氣來纏纏似間轟雷車不及掩其耳兩壁
雲膠驪寔旌建旂有神被介胄軀偉母奮紫執父見其宰如以職備使
北壁當胸冥相去不辨咫尺有神手天瓢九龍運其水勢欲翻九河雷伯鼓
未已社神走闐闐恐懼違言筆白旆颺雲表奉令察賊石靈祠本清肅長
夏願無此入門見壁畫鮮不生戰慙假令革其頌像教良有以邑史有朱
生運筆妙莫齒吮豪追其踪三歎逐前軌道玄貌冥獄施帛日雲委惟以
神妙故婦命雜悲喜歲月如水流藝學日零圯君看郭恕先画妙託僊死

慧日寺十八大阿羅塑像

至人自藏珍古貌元氣備搏土造佛徒追真信難事亭亭青蓮宇諸天莫
其位尊者十二輩高座納雙屣巍巍超九表塵眼有矚視深厚藐漂山廣

博欲際地靜沉馬足萬專守門不二覺能越幾先悲欲放踵流龍驤以臻
秦虎跳以呪弭目瞑澄淵黑頂突華峯翠若真外形骸能以理勝自嗟然
了得喪何有立同異塵柄操瑩玉寶花自空墜想當經營初車手空俗士
我思彼尊者所造亦深遠函經入方夏後乃道宏肆以空攝萬有以道徇
衆智窮山養枯骸野鳥習其聲善士瞻梵相瓶錫此壽僧安得如此塑慰
我懷古意